



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒԶՈՐՍԵՐՈՐԴ ՏԱՐԻ

1909

№ 9

ՍԵՊՏԵՄԲԵՐ

Թ Ի Յ Լ Ի Ս

ԷԼԵԲՏՐԱՏՊԱՐԱՆ ՕՐ. Ն. ԱՂԱՆԵԱՆՑԻ, ՊՕԼԻՑ, 7.
1909

ԲՈՎԱՆԴԱԿՈՒԹԻՒՆ

Խաւարի մէջ. Ս. Բօժժօր	3
Կեանք. բանաստ. Մ. Ենգիբարեան	7
Տ. Կոստանդին Ա. Բարձրբերդցի. Մ. Ա. Օ.	9
Բլբուլ } Բանաստ. Յարութիւն Պետրոսեան	19
*** }	
Ի՞նչ է հասարակութիւնը. Pessimist	20
Քօսա-դաղ լերան վկան. Լ. Խանգաղէ	30
Ժողովրդի մէջ. Բօղեղերի. Թարգմ or. Ն. Աղանեանց	41

ՄԱՏԵՆԱԽՕՍԱԿԱՆ

Ճանաչողի յօդոյ 1709—1909 (Վրացերէն տպարան) 2. Ճիւղնաձէի. Գիւս ա. Բ. Աղանեանց:— Ստա- ցուած գրքեր	45
---	----

ԱՄՍՈՒԱՅ ՏԵՍՈՒԹԻՒՆ

Հայութեան երկու հատուածները Ա. Վ.— Նամակ Վա- ղարշապատից Հայ.— Մանթաշեան ընտանիքի կը- րած կորուստը:— Լուրեր	47
ՆԱՄԱԿ ՓԱՐԻՋԻՅ	59

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ ՅԱՅՏԱՐԱՐՈՒԹԻՒՆՆԵՐ

Մամուլի տակ է
ԳԻԻՏ ա. ք. ԱՂԱՆԵԱՆՅԻ

ԴԻԻԱՆ ՀԱՅՈՑ ՊԱՏՄՈՒԹԵԱՆ

ԳԻՐԻԹ

ՅՈՎԱԷՓ ԱՐՂՈՒԹԵԱՆ



ԳՐԱԿԱՆ, ԲԱՂԱԲԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՉՈՐՍԵՐՈՐԴ ՏԱՐԻ

1909

№ 9

ՍԵՊՏԵՄԲԵՐ

Թ Ի Ֆ Լ Ի Ս

ԷԼԵՏՐՈՒՄԻ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՈԼԻՑ 7.

1909

ԽԱԽԱՐ ԳԻՇԵՐԻՆ

Կէս զիշերին մերկ արդարութիւնը վեր կացաւ գերեզմաններից և քալեց դէպի մարդկանց բնակարանները:

Գիւղը լուռ էր ու կծկուած. ոչ մի ծայն, ոչ մի շշուկ չէ լսուած. չէ լսուած նոյնիսկ շների հաշոց կամ վնդոց:

Հորիզոնում չէ փայլում և ոչ մի տաաղ. անթափանց, սև խաւարը իշած է գիւղի վրայ, և այդ խաւարը իր ահաւոր սոսկումով ասեա մեջեցրել է մարդկանց:

Ցրտաշունչ քամի է փչում և մերկ արդարութիւնը դողում, սարսռում է ցրտից. նա կուչ եկած քալում է, հաքայլում: Սհա և գիւղը իր բնակարաններով, որոնք նման են լուռ դամբարանների, որոնց տակ թաղնուած են կենդանի-մեռելներ: Նա մտաւ գիւղը և ապաստան է փնտրում իր մերկ մարմինը մի անկիւնում թաղցնելու այս խստաշունչ բուքից:

Առաջին հանդիպած դուռը թափեց նա իր սառած, ոսկրոտ մատներով:

— Ո՛վ է. ներսից լսուեց մի խռպոտ ծայն:

— Ես եմ, արդարութիւնը, մի ապաստան տուէք:

— Ինչո՞ւ ես շրջում այսպիսի ահաւոր զիշերին:

— Ինչ անեմ, ապաստան չունեմ. երկրի երեսին ամեն տեղ շրջել եմ, տեղ չեմ թողել. որտեղ զնացի՝ հալածեցին մարդիկ. միայն այս գիւղն է, որ չեմ շրջել. բարի եղէք, ձեր յարկի տակ տուէք ինձ ապաստան:

— Ձէ, տեղ չկայ, զնա՛, այսպիսի զիշեր դուռ. չեն բաց անի. չէք տեսնո՞ւմ, ինչպէս է տնքում զիշերը:

— Կարծեմ դուք գիւղի հովիւն էր, բարի եղէք, տէր հայր...

— Ձէ, չենք կարող, ամեն մի չարիք ծնւում է էս զիշերին:

— Դուք խիղճ ունի՞ք:

— Ունիմ.

— Ձգայ՞ո՞ւն:

— Ձգայ՞ուն:

— Երբ որ խիղճ ունէք, ինչո՞ւ անապաստանին տեղ չէք տալիս:

— Դա խղճի բան չէ, այլ կամքի:

Քահանայի անից հեռանալով՝ խեղճ արդարութիւնը մի քանի դռներ էլ բաղխեց, բայց ոչ ոք ծայն չը հանեց. ամենքը քնած էին, դուցէ և արթուն բայց չէին խօսում. ահաւելի խաւարից, երկունքով բռնուած սև դիշերի անքոյից՝ սսկել ու քնչուել էին մարդիկ:

Նա մօտեցաւ մի մեծ դռան ու բաղխեց:

— Ո՞վ է. լսուեց մի դողդոջ ծայն:

— Արդարութիւնն եմ, մերկ եմ, տեղ առւէք:

— Հեռո՞ւ գնա, այսպէս էս դիշերին ո՞վ է դժուել քո առաջ դուռը բանայ, երբ չար ոգիները սկսել են քրքշալ ու ոռնալ:

— Մի անկիւն, ի սէր Ասածոյ:

— Չկայ, չկայ. հեռացիր:

— Այնտեղ գոնէ սուէք, որտեղ նստում է ձեր կատուն:

— Ինչ ես վաչր ի վերոյ խօսում, ո՞վ է խենթացել քեզ տեղ տալ կամ դուռը բանալ այսպիսի մի դիշեր, երբ սոսկումն է մաղւում երկրի վրայ, անէծք թափւում երկնքից և չաւիտեանական նդովք է տարածւում ամենուրէք. եթէ դուռը բանանք, նրանք կը գան և ներս կը սողան քեզ հետ մէկտեղ:

— Մի՛ վախենաք, հաւատացէք, որ ոչ մի բան չի պատահի:

— Դլուխներս մի ցաւացնի. արդարութիւն չէ ինչ ուզում է լինի, մենք դուռը բաց անողը չենք:

Արդարութիւնն էլ չը խօսեց, կանգնեց պատի տակ: Այդ վայրկենին սառուերի նման մէկը անցաւ նրա մօտով ու թափեց դուռը՝ տակով.

— Բացէք դուռը:

— Ո՞վ է:

— Ես եմ, դարբին մէկը:

— Ի՞նչ ես ուզում:

— Մի տեղ տուէք:

— Տեղ չկայ, այսպիսի զիշերին դուռը չեն բաց անի:

— Բացէք, ահա ձեզ ոսկի ինչքան կամիր:

Դուռը ճոնչալով բացուեց. հիւրին ներս ընդունեցին:

Մերժուած արդարութիւնը կանգնել էր շէմքում ու լսում էր նրանց խօսակցութիւնը:

Տանտէրը հարցնում էր.

— Ո՞վ ես դու:

— Ա... արդարութիւնը. կակաղելով ասաց հիւրը. — ահա ձեզ ոսկիները:

Տանտէրը առաւ ոսկիներն ու նորից ասաց.

— Ախր հէնց նոր արդարութիւնը դիպաւ մեր դռան ու գնաց. մենք չընդունեցինք նրան:

— Նա արդարութիւնը չէ եղել, ես եմ ...ութիւնը:

— Ի՞նչը:

— Իսկական արդարութիւնը:

Արդարութիւնը լսեց այդ բոլորը ու էլ չը համբերեց՝ դռնաց դռան ետեւից.

— Ես՝ արդարութիւնս այստեղ եմ. ո՞վ է այդ սև հողին, որ ստում է. ասացէք:

— Ներողութիւն, արդարութիւն եղբայր, ա՛խ սատանան տանի, ստութիւն եղբայր, ես եմ, ես: Հա-հա-հա, տեղ չես հարո՞ւմ:

— Լպիրշ. տնամօթ, չես էլ ամաչում, ծիծաղո՞ւմ ես. ի՞նչու ես ստում, դո՞ւ ես արդարութիւնը: Ինչո՞ւ ես նեղ տեղերում իմ անունը արծարծում, ու ինձ էլ ստութիւն անուանում...

Այդ ժամանակ տանտէրը հչաց.

— Ձէ, սրանք ոսկիներ չէ՞ն:

— Ինչ էք ասում, հանգստացրեց նրան հիւրը. զիշերները չի ճանաչում, և երկրորդ էլ այսպէս առաա լոյսի մէջ ոսկին կորցնում է իր փայլը. պահեցէք մինչև տուաւօտ, տեսէք եթէ ոսկի չէ՝ յետ ատէք ինձ:

— Լաւ. համաձայնեց տանտէրը:

Արդարութիւնը զլուխը քորելով հեռացաւ. ճանապարհին

բոլոր պատահած դռները թակեց. ոմանք չէին պատասխանում, ոմանք էլ զայրացած ասում էին. «տեղ չկայ»: Իսկ ոմանք զարմանում էին. «աշխարհում քանի՞ արդարութիւն կայ»:

— Մէկը. պատասխանում էր արդարութիւնը:

— Որ մէկը՝ էլ ինչ ես ուզում. արդէն մէկին ընդունել ենք:

— Միս. հառաչում էր արդարութիւնն ու հեռանում:

Դողդողալով նա զնում էր ու ինքն իրան խօսում.

— Ամեն տեղ իմ անունով ներս է մտել այդ զարշելին ու ամենքին խաբել, ամենքի աչքը կապել, կեղծ ոսկու փայլով կուրացրել և զնացել տների վերի անկիւնում նստել: Խեղճ, խեղճ մարդիկ. ոսկու փայլ...

Յրտից նրա ատամները չխկչխկացին. էլ չխօսեց նա, շարունակեց քայլել՝ կծկուած ու լուռ: Մերկ, լերկ մարմինը սառչում էր:

Դիւղում խեղճը սուռն չթողեց, բոլորի գուռը բաղխեց, աղաչեց խնդրեց՝ ապաստան տուող չեղաւ, այժմ գիւղի եզրին էր հասել, պէտք է դուրս գար գիւղից ու շարունակէր երկրի վրայ իր թափառիկ կեանքը: Մի տուն, միայն մի տուն էր մնացել. նրա դուռն էլ կը թխկացնէր, ապաստան կը խնդրէր. դեռ յոյս ունէր, որ գոնէ այդտեղ ապաստան կտան իրան:

— Թրրիկ, Թրրիկ... Թակեց դուռը սառած մատներով:

— Հ՞ր, ի՞նչ ես ուզում... գոռաց մի ծայն և վալկենապէս լսուեց որոտ ու փալլատակեց բոց:

Արդարութիւնը ընկաւ գետին՝ թպրատաց, քարերը չանգոնեց, երեսը քսեց հողին, գալարուեց, օրհասական ցնցումներ արաւ ու լուեց...

Վերջին տունը՝ գիւղի դատաստանատունն էր և արդարութիւնը նրա զոհը դարձաւ:

Երկինքն ու երկիրը դղրդացին, ամպրոպ ու կալծակ, շանթ ու որոտ խառնուեցին իրար. փալլակների բոցերով մի վալկեան լուսաւորուեց խաւարը և ապա ամեն ինչ մթնեց ու անտեսանելի դարձաւ:

Աւերիչ մրրիկը հեծեծալով վաղեց տիեզերքի մէջ...

Խենթացած հողմերը ծեծեցին ժպուերի կատարները...

«Ա-ու-ու-ու... առ կաղկանձեցին շները դիւռնոցով:

Մեծ արդարութիւնը մեռաւ այդ խաւար գիշերին՝ արիւնոտուած, բզկառուած ու մերկ...

Կ Ե Ա Ն Ք

I

Ամարանոցում, շքեղ զարդարուած
Ընտիր նախաճաշն առաջին դրած,
Մայր անտառի խիտ կենսատու հովին,
Կեանքն էր վայելում իշխանի որդին:

Անցաւ երկու ժամ, զրիննոր սեղան
Բերին խորտիկներ համով զանազան.
Մնուշ ըմպելիք, քաղցրահամ ջրեր
Եւ եղեմական ընտիր պտուղներ...

Անձնատուր շուայտ, նուրբ վայելչանքին
Եւ արեւելեան փարթամ ճաշակին,
Մերթ նայում էր նա իւր ճոխ սեղանին
Մերթ արեւի տակ այրուող մշակին:

Երբեմն էլ նրանց խրախոյս կարդում,
— Դէշուտ իմ տղայք, լաւ էք աշխատում
Ինչ էր մտածում թէ նա այդ ժամին—
Աստծուն է յայտնի մարդկային գաղտնին
Բայց մենք տեսնում ենք, որ կեանքը այստեղ
Մէկին դժուր է, միւսին խիստ շքեղ:

II

Սոված եմ, հայրիկ, ինձ բանթոյդ արա,
Սաստիկ ծարաւից սիրտս կը դողայ,
Երեկ այս ժամին մենք երկու անգամ
Հաց էինք կերել, թող քիչ դընջանամ:

Չայնդ, անպիտան, ասում եմ, կտրիր.
Թող հոգիդ դուրս գայ և քաղցից մեռիր.

Միթէ կարող ենք որ երբ կամենանք
Մեր հացը ուտենք, մենք էլ դընջանանք:

Մենք հոմարդիկ չենք, այլ մի անասուն
Որ պէտք է տանջուենք մինչև իրիկուն,
Մենք վարձկաններ ենք և ոչ գործի տէր,
Վարձկանի օրը միշտ սև է եղել:

Ներիր, սիրելիս, որ խիստ զայրացած
Խօսում եմ քեզ հետ. ես էլ եմ քաղցած.
Բայց թէ ում ի՞նչ փոյթ. չէ՞ փող են տալիս,
Այդպէս է կեանքը, ճար չկայ, հոգիս:

Հող չունենք ցանենք, այգի՝ որ ջրենք,
Էլ մեր ապրուստը մենք ինչո՞վ ճարենք.
Էլ որտեղից մենք վճարենք հարկեր,
Էլ ի՞նչպէս հոգանք մեր ծով կարիքներ:

Միշտ հլու, համեստ, բառի անուան տակ
Մենք շատ ենք վարժուել երկար ժամանակ.
Մեր նախնիքը մեզ այսպէս են կրթել
Մենք պարտաւոր ենք մեր մեծին լսել:

Ինձ մի նախատիր, որ ես քո մասին
Հաւ չեմ հոգացել իր ժամանակին.
Պապդ ինձ թողեց մի ժառանգութիւն.
Ոչ արուեստ, ուսում, այլ մշակութիւն:

Այժմ դանակը ոսկորին հասած,
Հարկ է այդ մասին մի բան մտածած.
Ով որ ուզում է մարդու պէս ապրի
Պէտք է սեփական մի գործ ստեղծի:

III

Իշխանի որդին վեր կացաւ տեղից,
Գուցէ զգացուած մշակի խօսքից,
Իսկոյն պատուիրեց նա իւր ծառային
Առատ կերակուր տալ մշակներին:

Տ. ԿՈՍՏԱՆԴԻՆ Ա. ԲԱՐՁՐԲԵՐՊՑԻ

130. Կիլիկիոյ Թագաւորութիւնը յանկարծական վտանգի մը զիմաց կը գտնուէր, զի Իկոնիոյ հօր սուլթանութեան կործանումէն ետքը, ինքն չէր կրնար իւր կեանքը ապահովել: Հեթում զհսպաններու ձեռքով Բաղուէ խաղաղութիւն խնդրեց (1244), և ստացաւ զայն յանձնելով Իկոնիոնի սուլդանին ընտանիքը, որք իրեն ապաստանած էին (1245): Թաթարներ իրենց արշաւանքը արեւմուտքէն դարձուցին դէպ հարաւ և աւերեցին Վասպուրականի, Տուրուքերանի և Միջագետքի քաղաքները: Ուխաթա մնծ խանին մեռնելէն ետքը, Հեթում նորա յաջորդ Գիուշ խանին հետ նորոգեց խաղաղութիւնը, իւր եղբօր Սմբատ Գունդստապլին զհսպանութեամբ (1246), որ է նոյն ինքն Սմբատ պատմիչը: Այդ քաղաքական զհսպանութեան կ'երեւի թէ ընկերացաւ նաև Վարդան վարդապետ, որ կաթողիկոսական նուիրակութեամբ Մեծ Հայք կ'իրթար Սսոյ կանոնները հրատարակելու, և այն կողմերու եպիսկոպոսներէն ընդունելութեան խոստումներ և յայտարարութիւններ ստանալու, ինչպէս և յաջողեցաւ առնուլ գլխաւոր աթոռներէն և կաթողիկոսին բերաւ (1248): Կաթողիկոսն ի փոխարէն ճոխ կերպաններ և եկեղեցական զգեստներ յղեց անոնց ընծայ: Անցողաբար յիշենք քանի մը նշանաւոր պարագաներ, ինչպէս են Արտազու վանքին վերանորոգութիւնը Յովսէփ եպիսկոպոսի ձեռքով և կաթողիկոսին նպաստներով, Ասորի պատրիարքներուն Հովմկլայի մէջ կրկին հաստատուելով Հայոց Թագաւորութեան և Հայոց հայրապետութեան հովանւոյն ներքև պատուարուիլը: Հեթումի Կիպրոս երթալով Գաղղիոյ Լուդովիկոս Թ. Սուրբ Թագաւորին հետ տեսակցելը, որք այդ միջոցին տեղի ունեցան:

131. Վերջին պարագայն կը յիշեցնէ այն մօտաւորութիւնը Լատիններուն հետ, զոր արդէն յիշած ենք և որուն այնչափ հետամուտ էր Հեթում, Կոստանդին կաթողիկոսն ալ իւր դիտումին մղելով: Պապիւր այդ պատրաստականութենէ քաջալերուած

սկսան կամաց կամաց հայ եկեղեցւոյ գործերուն և դաւանութեան ալ միջամտել, այդ ինչը սխալ և այն ինչը անկանոն ցուցնելով, և իրենց նմանութեան և հպատակութեան հրաւիրելով: Այս կարգէն էր Խննդկենտիոս Դ. պապին շարժած խնդիրը (1250), թէ պարտ է զամենասուրբ Հոգին Աստուած խոստովանել ի Հօրէ և Որդւոյ բղխել (Վարդ. 148): Կոստանդին կաթողիկոսի համար կ'ըսուի այդ առթիւ թէ Հռոմկլայ կը նստէր, որ կը ցուցնէ թէ բոլորովին խափանեալ չէր Հռոմկլայի կաթողիկոսարանը, Սսոյ կաթողիկէին շինութենէն ետքն ալ, և Կոստանդին մերթ այստեղ և մերթ այնտեղ կ'անցնէր իւր ժամանակը: Սակայն ժողովը գումարեցաւ ի Սիս. և այդ ժողովին մասնակցեցան Յունաց և Ասորւոց և Ալլազգեսաց քրիստոնէից եկեղեցականներ (Կիր. 187), որ Կիլիկիա կը գտնուէին Հայոց հովանւոյն ներքեւ: Յոյնէր ի Հօրէ միայն պնդեցին, Ասորիներ երկու կարծիքի բաժնուեցան. գումարուած Հայերն ալ կ'երևի թէ համամիտ համաձայնութիւն չունեցան, որ պարտաւորուեցան Արևելիայց գրեւ և նշանաւորագոյն անձերու կարծիքները ուզել, որպիսիք էին Յովհաննէս Վանական և Յովսէփ Աբտաղիցի և Կիրակոս Գանձակեցի վարդապետներ: Պատասխանները ընդարձակօրէն յառաջ կը բերէ նա ինքն Կիրակոս, որք առհասարակ նպաստաւոր էին հռոմէական դաւանութեան, ինչպէս Վարդան ալ կը յիշէ (Վարդ. 148): Մեր եկեղեցւոյ դաւանութիւնը ընդհակառակն տարրեր է լատինականէն, և յայդմ մեք ալ Յոյներուն համաձայն ենք, և ապագայ ժամանակին ալ Լատիններէ տարբերութիւննիս մեծ խնդիրներու տեղի տուած է: Սակայն Կոստանդինի ժամանակ դեռ նոր էր այդ խնդիրը Հայոց համար, և միւս կողմանէ սիրոյ և միաբանութեան փափագը ուժգնապէս սլաշտպանուած էր արտաքին նպաստից ակնկալութեամբ: Նոյն իսկ խնդիրն ալ ներքին երկդիմութիւն մը կը պարունակէր, յէութենէ Հօր և Որդւոյ լինելու և ի Հօրէ և Որդւոյ բղխելու մէջ: Ահա պատճառներն, որք յորդորեցին Հայերը ոչ հակառակիլ Հռոմի առաջարկութեան, այլ արտաքին համակերպութեան եղանակով խնդիրը փակել (1251), թէպէտ իրենք իրենց եկեղեցւոյ մէջ ոչ մի նշանակութիւն չտուին այդ խնդիրին:

132. Կոստանդինի կեանքին նշանաւորագոյն կէտերը քաղեցինք. իւր մնացորդ օրերուն մէջ յիշատակելի գործ մը չունինք: Կը յիշուի նորա ներկայութիւնը Զապէլ Թագուհիին մահուան առթիւ (1252), որուն մեծահանդէս թաղում ըրաւ և մահուան օրը յայսմաւորքի մէջ արձանագրեց (յունուարի 23): Այդ միջոցին պէտք է դնել Յոյներու հետ բանակցութիւնը քաղկեդոնական խնդրոյն վրայ, որուն համար Կոստանդնուպոլիս նուիրակ

ղրկուեցաւ վարդապետն Յակոբ, ոյր բանաւոր և իմաստուն (Կիր. 212), որ անշուշտ նոյն ինքն Կոստանդինի յաջորդ կաթողիկոսն է: Այդ բանակցութեանց վրայ տեղեկութիւններ կը պակսին, միայն թէ Յակոբ ամօթով չմնաց օտարնելու առջև և պաշտպանեց իւր եկեղեցին (Կիր. 212): Երբ Հեթում քաղաքական խնդիրներու համար որոշեց համակերպիլ Թաթարաց խանին հրաւերին և անձամբ նորա տեսութեան երթալ (1254), Կոստանդին ընտիր եկեղեցականներու խումբ մը անոր ուղեկից տուաւ, որոց գլուխը կը գտնուէր վերոյիշեալ Յակոբ, և որոց մէջ կը յիշուին Ստեփանոս եպիսկոպոս, Մխիթար վարդապետ, Բարսեղ քահանայ, Թորոս արքայ և Կարապետ դրաներէց: Պէտք է գիտնալ թէ Թաթարներ իրենց արշաւանքին սկիզբը հեթանոս էին, այլ նուաճեալ երկրին կրօնքին յարելու տրամադրութեամբ, և այդ միջոցին էր, որ ոչ միայն արևելեան, այլև արևմտեան քրիստոնեաներ աշխատեցան Թաթարները իրենց կրօնքին հրաւիրել, այլ անոնց գաղափարները վերջնականապէս մահմեդականութեան մէջ գտան իրենց համաձայնութիւնը և անոր յարեցան: Այդ պարագային հետ կապ ունի անշուշտ Հեթումին ընկերացող եկեղեցական պատգամաւորութիւնը: Հեթումի այցելութեան հետեանքը աւելի քաղաքական խաղաղութեան նպատակ, բայց քրիստոնէից համար շատ ազատութիւններ ալ ընդունուեցան: Այդ այցելութիւնը Մեծ Հայոց քրիստոնեայնէրը քաջալերեց, այնպէս որ երբ Հեթում Կիլիկիա դարձաւ (1255), եկեղեցական օգուտներ ալ ձեռք բերած կրցաւ ըսուիլ:

133. Հեթումի բարեկամութիւնը Թաթարներու հետ հակառակ ազդեցութիւններ գործեց օտարներու վրայ: Իզգէտտին սուլթան Իկոնիոյ պատերազմ բացաւ Հեթումի դէմ, այլ Հեթում յաջողեցաւ յաղթել Թաթարներու օգնութեամբ, և մինչև իսկ մտածեց Թաթարներու օգնութեամբ Ս. Տեղիքը եգիպտացիներուն ձեռքէն առնել: Միւս կողմանէ Կղեմէս Դ. պապը (1265—1269), յուսալով որ Հեթում կարող է Հայերուն հետ Լատիններուն ալ օգտակար ըլլալ, Արևելքի մէջ գտնուող Լատինները Հեթումի պաշտպանութեան ներքև դրաւ (1265): Այլ եգիպտացիք Փնտուխ դար սուլթանին առաջնորդութեամբ ուղեցին Թաթարներէն յաղթութենուն վրէժը Հայերէն լուծել: Հեթում անգամ մը ևս Հուլաւուն խանի այցելեց (1264), նոյն իսկ խանին հրաւերով, որ տարին Վարդան վարդապետ Արեւելցին ալ հրաւիրուած էր Խուրուլթա կոչուած տարեմուտի տօնին (Վարդ. 155): Բայց եգիպտացւոց սպառնալիքին վրայ անգամ մըն ալ անձամբ գնաց խանին մօտ պէտք եղած օգնութիւնը խնդրելու, այլ ինքն չդարձած Հայեր յաղթութե-

ցան և արքայորդիներէն Թորոս սպանուեցաւ և Լեւոն գերուեցաւ, Միս առնուեցաւ և Կիլիկիա աւերեցաւ (1266): Կոստանդին, որ երկար այլ բաւական խաղաղ պաշտօնավարութիւն ունեցած էր, իւր ծերութեան ժամանակին տաքնապալի օրերու հանդիպեցաւ և կսկիծէն իւր կեանքն ալ վտանգուեցաւ, և քիչ ետքը վախճանեցաւ (1267 ապրիլ 9): Կոստանդինի անձնաւորութեան վրայ կանուխ մեր կարծիքը յայտնեցինք, թէ առանց առաջնակարգ և նշանաւորագոյն հայրապետներէն մին լինելու, կրցաւ կանոնաւոր պաշտօնավարութիւն ունենալ, այլ խաղաղութեան սիրով Լատիններուն չափազանց մօտենալը ապագային վտանգաւոր դուռ մը բացաւ:

134. Կոստանդինի ժամանակին պատմութիւնը լրացնելու համար պէտք է յիշել քանի մը նշանաւոր վարդապետներ, որ այս միջոցին փայլեցան. Գլխաւորն է Յովհաննէս վարդապետ Վանական (վախճանեալ 1251), Մխիթար Գօշի աշակերտ, և բաղմաթիւ աշակերտաց ուսուցիչ, ծննդեամբ Տավուշեցի և վանքով Խորանաշատցի, զոր ինքն իսկ կանգնեց և շուտով կրցաւ նշանաւոր կեդրոն դարձնել. ոչ միայն աշակերտներ հաւաքել, այլ նախնեաց մատենադրութեան ճոխ հաւաքածոյ կազմել: Պատմիչ ալ եղած է, բայց պատմութիւնը մեզի չէ հասած: Իւր աշակերտներէն է Վարդան վարդապետ Արեւելցի (վախճանեալ 1271). որ յատուկ պատմութիւն մը գրած է, Միքայէլ Ասորիի պատմութիւնը թարգմանած է և բազմաթիւ մեկնութիւններ է գրած: Վանականին աշակերտներէն է ևս Կիրակոս վարդապետ Գանձակեցի, նոյնպէս պատմաբան և աւելի մտադիր եկեղեցական դիպուածներու, թէպէտ երբեմն առանց կարևոր ընտրողութեան: Կաթողիկոսին և յիշեալ պատմիչներուն Լատինաց միջամտութեանց հանդէպ զիջող գրտնուելը, ուրիշներուն ալ առիթ ընծայեց անոնց խօսքերը խստութեամբ հերքելու, և յանուանէ պէտք է յիշենք Մխիթար քահանայ Սկեռացին և Վահրամ վարդապետ Սեւակոնեցին: Վանականի աշակերտութենէն է նաև Մաղաքիա արքայայ Նիտողաց ազգին պատմիչը:

135. Իբրև հետաքրքրական դիպուած մը յիշատակինք մոլորեցուցիչ Դաւիթին պատմութիւնը (1250): Գեղարքունի գաւառին Ծար աւանին մէջ կ'ապրէր Դաւիթ, շինական ջաղացպան մը, որ յանկարծ Քրիստոսի տեսիլքներ պատմելով ե հրաշագործութեան համբաւ հանելով, սկսաւ իբր նոր աղանգաւոր մը իրեն հետևողներ կազմել: Դաւիթ նոր օրէնք և նոր վարդապետութիւն չունէր, այլ իւր խօսքերն էին՝ Զերկուշարթի օրն պահեցէք, յիշոցք մի տալք, եկալք համբուրեցէք զիս, եւ թողեալ լիցի մեղք ձեր եւ ազգին ձեր մինչև

յիօժն ազգ (Կիր. 182), որով կը տեսնուի թէ պարզապէս սուտ հրաշագործ խաբեբայ մի էր, որ զանազան ճարտարութիւններով կրցեր էր գողնալ ժողովուրդին բարեմտութիւնը և շահու աղբիւր մը բանալ։ Իւր գորութեան և գործունէութեան կեդրոնն էր ահազին խաչ մը, զոր ձիթահանքի գերանով կազմած և Ծարի եկեղեցւոյ դուռը կանգնած էր, և անոր տաշիղները և իւր ջաղացքին հատիկները, և մատաղի գուարակին միսը և ոսկրներուն փշուրները իբրեւ մասունք կը բաշխէր ուխտաւորներուն։ Իւր շուրջը ունէր իրեն աշակերտած քահանաներ, որք արբանեակի դեր կը վարէին, Դաւիթին ոտքը կը լուային, և այն ջուրը՝ իրենք զիրենք և ուխտաւորները սրսկելու կը գործածէին։ Ինչ որ Դաւիթի ըրածներուն զայթակղական մասն էր, անառակ և լկտի վարմունքներու ասպարէզ բանալը, չարագործները քաջալերելը, իշխանութիւն չյարգելը, և եկեղեցական հաստատութիւնները անարգելն էր։ Գիւղին տէրն ալ, որ պարսիկ մըն էր, եղած արդիւնքէն բաժին առնելով, Դաւիթը կը պաշտպանէր։ Դաւիթ ազգային զգացումներն ալ կը գրգռէր, և զինքն բնիկ Արշակունի հռչակելով, իւր զաւակներէն միոյն թագաւորութիւնը և միւսին կաթողիկոսութիւնը կը գուշակէր։ Կաթողիկոսին հեռաւորութեան պատճառով՝ վարդապետներուն գլխաւորը՝ Յովհաննէս Վանական ձայն բարձրացուց այդ անկարգութեան դէմ։ Իրեն ձայնակցեցան Վարդան և Կիրակոս պատմիչ վարդապետները, Համազասպ եպիսկոպոս Հաղբատու և Գրիգորիս եպիսկոպոս Դատվանքի, որք միաբանութեամբ Ծար եկան, մոլորութեան բոյնը ջնջելու։ Գիւղացիներ նախ ընդդիմացան, բայց նզովքի երկիւղով խաչը կործանեցին, Դաւիթը յանձնեցին, զոր եպիսկոպոսներ երաշխաւորութեամբ Դառնի քաղաքին յանձնեցին, ուր կային իւր ազգականները և այնպէս բոլորովին անհեաացաւ Դաւիթի գործն ալ, ինչպէս կ'անհետանան ամէն մոլոր և անհիմն ձեռնարկներ։

Տ. ՅԱԿՈԲ Ա. ԿԼԱՅԵՑԻ

136. Կոստանդին Բարձրբերդցի կաթողիկոսին յաջորդեց Յակոբ Ա. Կլայեցի, որ Տարսնացի և Սսեցի ալ կոչուած է, և Գիտնական մականունով պատուուած։ Այդ մականունը կ'արդարանայ անշուշտ այն նուիրակութեամբ զոր Կոստանդնուպօլսոյ մէջ վարեց կաթողիկոսին կողմէն, և ուր Յոյներուն հետ վիճելով հայ եկեղեցւոյ դաւանութիւնը պաշտպանեց։ Նոյն ինքն էր, որ Սմբատին ընկերացաւ Թաթարներու խանին այցելելուն առթիւ։

Կ'ըսուի թէ մատենագրութիւննիր ալ ունեցաւ. այլ մեզի հասնող ճաշակը միայն Աստուածածնայ ծննդեան շարականն է, Երզնգէք իւր սարօք, որ բաւական է նպաստաւոր գաղափար մը տալ իւր հեղինակին վրայ: Յակոբի ընտրութիւնը կատարուեցաւ Կոստանդինի մեռնելէն քանի մը ամիս ետքը, Հիթումի հաւանութեամբ և ժողովական ընտրութեամբ (1267): Յակոբ իւր կաթողիկոսութեան սկիզբը փափագեցաւ ընդհանրական թղթով մը օրհնել և հրահանգել իւր ժողովուրդը, այլ Շնորհալիի ընդհանրականին յարգը ճանչնալով, նոյնը կրկնեց և ցրուեց, որ և թէ մէկ կողմէն խոնարհամտութիւն կը ցուցնէ, միւս կողմէն ալ գովելի է այնու, որ արժանաւորաց արժանիքը գիտնալը մեծագոյն իմաստութիւնն է: Յակոբ բարեյաջող սկզբնաւորութիւն մը ունեցաւ Լեոն արքայորդւոյն գերեզարձով (1269): Հիթում ծերացած անոր յանձնեց թագաւորական իշխանութիւնը, և ինքն կրօնաւորեցաւ Դրազարկի վանքը Եղբայր Մակար պնունով, այլ հազիւ քանի մը ամիս վայելեց առանձնութիւնը և վախճանեցաւ նոյն վանքին մէջ (1269): Լեոն մեծ սուգ ունեցաւ և հիւանդացաւ, և շրջակայ իշխաններէն բարեկամական ցոյցեր ստացաւ, և ապաքինելէն ետքը օծուեցաւ Յակոբ կաթողիկոսի ձեռքով (1270):

137. Յակոբի կաթողիկոսութիւնը իբր 20 տարի շարունակեց (1267—1286), այլ հետաքրքրական դէպքեր կը պակսին, և քանի որ ուրիշ կողմանէ գիտեմք թէ կարող անձնաւորութիւն մըն էր, պէտք է այդ պակասութիւնը վերագրիլ, զոնէ մասամբ, իւր յաջողակութեան, որով գիտցաւ տիղի չտալ տաղնապեցուցիչ պատահարներու, և խոհական խորհրդով հեռացնել յուզիչ խնդիրներ: Լատիններու հետ յարաբերութիւններ քիչ եղան իւր ատենը. և յայդմ իրեն համախոհ ունեցաւ Լեոն թագաւորն ալ: Գրիգոր Ժ. պապը (1271—1276) որ Լուզդոնի Բ. ժողովով Յոյներու հետ միաբանութիւնը կը կարծէր վերջացնել, Հայերն ալ հրաւիրեց նոյն ժողովին (1274), այլ Յակոբ կաթողիկոս անպատասխանի թողուց հրաւերը: Յակոբի գործունէութեան նշանները կը տեսնուին այն եկեղեցական շինութեանց և եկեղեցական գիրքերու առատութեան մէջ, որք Լեոնի օրերուն պարծանքը կը կազմեն, որով թագաւորը հայրապետին խրատներուն և ուղղութեան հետեւողն ու գործադիրը կը հանդիսանար: Յարդ կը մնան ճոխ և հարուստ և չքնաղ գրչագիրներ, որոնց մէջ ոսկեգրութիւնն ու վայելչագրութիւնն ու նուրբ նկարն իրարու հետ կը մրցին, և որք ընդհանրապէս այդ թուականներուն կը պատկանեն: Յակոբ եկեղեցական վարդապետութեանց և աւանդութեանց մէջ միշտ արիւրար և պարզաբար ուղղափառ հայ ուղղութեան հետեւեցաւ, և

Լևոն թագաւորն ալ իրեն նպաստաւոր ունեցաւ, որ իւր իշխանութեան սկիզբէն հեռի պահեց զինքն իւր հօր լատինասէր ուղղութենէն, և ողջամիտ և անվտանգ շաւղին հետեցաւ: Յակոբի մահը եղաւ փառքով (1286), որովհետեւ առանց մեծ յիշատակներու ալ, մեծամեծ գովեստներով պատուուած կը տեսնենք նորա անունը ամեն պատմիչներէն հաւասարապէս: Յակոբի ժամանակն ալ բազմաթիւ նշանաւոր վարդապետներ ծաղկեցան, յորս աւելի երևելիներն են Յովհաննէս Երզնկացի և Վահրամ պատմիչ: Կը յիշուին նաև Ներսէս Մշեցի, Յովհաննէս Արճիշեցի, Մխիթար Սասունցի, Յովհաննէս Գանձակեցի, և Եսայի Նչեցի: Վերջնոյս վրայ խօսելու առիթ պիտի ունենանք:

Տ. ԿՈՍՏԱՆԴԻՆ Բ. ՊՐՕՆԱԳՈՐԾ

138. Յակոբի յաջորդն է Կոստանդին Բ. որ սխալմամբ Կեսարիոյ եպիսկոպոս ենթադրուած է յոմանց, քանզի պարզապէս խորին վանքի առաջնորդն էր, ինչպէս ճշտելով կը գրէ Օրբէլեան, որ ընարողական ժողովին ներկայ էր (Օրբ. Բ. 184), իսկ Սմբատ կը յիշէ զայն լոկ Պրօնագործ մականունով (Սմբ. 125): Ընտրութիւնը խնդիրներու տեղի տուաւ, վասն զի Լևոն Գ. Հեթումի որդին աւելի կուգէր կաթողիկոսացնել Անաւարդայ եպիսկոպոս Գրիգորը, որ յայտնի կուսակից էր լատինամիտ ուղղութեան, և Լևոն ալ Յակոբ կաթողիկոսի մահուանէ ետքն իւր միտքն և ուղղութիւնը փոխած կ'երևէր: Եկեղեցականներ թագաւորին ընդդիմացան, և իրենց մէջ համարձակագոյն էր Ստեփանոս վարդապետ Օրբէլեան, Տարսայիճ իշխանի որդին, որ եպիսկոպոսական ձեռնադրութեան համար Սիս եկած էր, բայց Յակոբի մահուանէն ետքը հասած էր, և բուռն կերպով կը պաշտպանէր Արևելիայց ուղղութիւնը: Վերջիններ զօրացան և Կոստանդին խորին վանից առաջնորդ ընտրուեցաւ և օծուեցաւ (1286 ապրիլ 13) աւագ շաբաթ օր մեծապատիւ շքով և արքունական ճոխութեամբ, մեծաւ և աշխարհաժողով հանդիսիւ (Օրբ. Բ. 184): Իսկ միւս օր, որ զատիկ էր, ինքն ալ Սիւնեաց արքեպիսկոպոսութեան ձեռնադրեց և օծեց Օրբէլեան Ստեփանոսը, որ նոյն ինքն պատմագիրն է (Օրբ. Բ. 228), և ճիշտ գովութեամբ կը խօսի նոյն կաթողիկոսին վրայ, և կը հերքէ նորա դէմ զրուցուած ամբաստանութիւնները: Կոստանդինի նախընթացին վրայ տեղեկութիւն չունիմք, նոյնպէս նորա երեքամեայ պաշտօնավարութեան վրայ ընաւ մանրամասնութիւններ չտար նոյն իսկ Օրբելեանը:

139. Հայրապետանոցի և արքունիքի յարաբերութիւնները չը խանգարուեցան մինչև Լևոնի Գ. մահը (1289). այլ Հեթում Բ. որ իւր հօրը յաջորդեց հակառակութիւններ շարժեց կաթողիկոսին դէմ, և մինչև զանիկայ գահընկեց ընելու հասաւ: Այդ բանին գլխաւոր պատճառն էր Հեթումի լատինամոլ ուղղութիւնը հակառակ Կոստանդինի խոհական չափաւորութեան: Հեթում թագաւորելէն անմիջապէս հսրը պապին դեսպան ղրկեց Յովհաննէս անուն լատին կրօնաւոր մը, որ յանուն թագաւորին հպատակութիւն յայտնէ պապին, ինչպէս որ գնաց, և պապին կողմէն դաւանական և բարեկարգական հրահանգներ անելով դարձաւ: Այդ պարագայն յիշուած է Հեթումի և Կոստանդինի հակառակութեան պատմութիւնէն առաջ, որով հակառակութեան սկզբնապատճառ եղած ըլլալը կը յայտնուի: Իսկ գործին պաշտօնական և արտաքին ձևին համար կը պատմէ Օրբելիան, թէ երեսուն զուխ զըրպարտութիւններ յօդեցին թագաւորն և համախոհ եկեղեցականներ կաթողիկոսին վրայ, թէ յառաջքան զպատարագն ըմպէ շարքաթ, թէ առնու հարկս ի լկտանոցաց և այլ նմանօրինակ սուտեր: և այս զրպարտութեանց վրայ գումարեցին ժողով ի Սիս մայրաքաղաք, և սուտ վկաներու ձեռք զրպարտութիւնները հաստատելով գահընկեցութիւնը վճռեցին, ըսելով ի բաց հան ի քէն զկաթողիկոսութիւնդ և տուր ցմեղ: Կոստանդին դիմադրութիւն չըրաւ, և բիւրապատիկ բան զդ. յն ունիմ ամբարեալ յոգիս, եւ չեմ արժանի այսմ: աստիճանի ըսելով հրաժարեցաւ յօժարակամ: Հայրապետական զարդերը վերջին անգամ մըն ալ զգենլով օրհնեց ամենքը, և եպիսկոպոսական զգեստն ալ հանելով մագեղէն մը հագաւ, հայրապետանոցէն ելաւ և առանձնացաւ Գլխիբացի եկեղեցին: Այլ հակառակորդներ կասկածելով, թէ մի գուցէ երթեալ ի վերին աշխարհն Արեւելից, եւ անդ ընկալեալ լիցի պատուով կաթողիկոսութեան, երկաթէ շղթաներով բանտարկեցին Լամբրոնի բերդը. և թէպէտ յետոյ շղթաները վերուցին, այլ մինչև չորս տարի բանտէն չը հանեցին: Հակառակորդներուն վախը Կոստանդինի և Արեւելեայնորուն համախոհութիւնը կը հաստատեն, և յայտնապէս կը ցուցնեն թէ ինչ ոգւով գրգռեց Հեթում Բ. Կոստանդինի Բ. դէմ թշնամութիւնը, և թէ Կոստանդին զոհ գնաց իւր ազգային եկեղեցւոյն հաւատարմութեան: Այդ գործողութիւնը տեղի ունեցաւ նոյնիսկ Հեթումի թագաւորութեան առաջին տարին (1289):

Տ. ՍՏԵՓԱՆՈՍ Դ. ՀՌՈՄԿԼԱՅԵՑԻ

140. Հայրապետական աթոռին յաջորդութիւնը չուզեցին Հեթում և իւր համախոհներ իւրովի կատարել անմիջապէս, այլ Սկեւռացի Ստեփանոս վարդապետը նուիրակ զրկեցին Արևելեայ-ներուն որ գան և նոր ընտրութեան մասնակցեն: Արևելեայք չուզեցին մասնակցել ըսելով թէ գահընկեցութեան վճիռին ալ մասնակցած չէին, բայց զօրաւոր հակառակութեան դեր մըն ալ չստանձնեցին: Ընտրութիւն կատարուեցաւ միւս տարին (1290) միայն Կիլիկեցիներու մասնակցութեամբ, և ի հարկէ դարձեալ խորհուրդ եղաւ Անաւարդեցի Գրիգորը բարձրացնել կաթողիկոսութեան, այլ Արևելեայներէն խիթալով ընտրեցին զՍտեփանոս ոմն անապատաւոր (Օրբ. Բ. 188), որուն համար կըսէ Օրբելեան թէ էր այր լաւ եւ լի ամենայն առաքինութեամբ, որչափ ալ ինքը ոգևով չափ ատելութիւն ունէր Կոստանդինի հակառակորդներուն դէմ: Ասկէ կը հետեցնեմք թէ Ստեփանոս բարեմիտ մէկն էր, և Կոստանդինի դէմ դաւաճանութեան մասնակից չէր, այլ թէ դաւաճաններ վստահ էին իբր վործիք վարել զայն իրենց ուզածին համեմատ: Ստեփանոս կը նշանակուի ծննդեամբ Եկեղիաց գաւառի Խախ գիւղէն, այլ բնակեալ ի Հոռոմկլայ, և այդ պատճառով Հոռոմկլայեցի կամ Հոռոմայեցի կամ Կլայեցի կոչուած է պատմիչներէն: Սրբակրօն անապատաւոր մը կոչուելէն ալ կը հետեցնենք թէ Սեւակեռի վանքերէն մէկուն կրօնաւորներէն էր: Աւելի տեղեկութիւն չեմք գտներ նորա վրայ, և ոչ ալ ուրիշ մանրամասնութիւններ ունինք իւր հրկամեայ պաշտօնավարութեան վրայ, որոյ աղետալի վերջը միայն հասուցած են մեզի պատմիչները:

141. Ստեփանոս իբր հլու գործիք կը ծառայէր Հեթումի և համախոհներուն, որոց զլուխ պէտք է ճանչնալ Անաւարդայ Եպիսկոպոս Գրիգորը: Իւր կաթողիկոսութեան երկրորդ տարին (1292) դարձեալ ծաղաւորիկ էր, և Հայոց տոմարը կը թողուր գատիկը ապրիլի 13, մինչ Յոյներ և Լատիններ զայն պիտի տօնէին շաբաթ մը առաջ ապրիլի 6: Ստեփանոս համակերպեցաւ Հեթումի և Գրիգորի հրահանգներուն և Սիս գալով գատիկը կատարեց ապրիլի 6, մինչ Արևելեայք և ուրիշ տեղերու: Հայեր հաստատուն պահեցին ապրիլի 13 տօնելու հաշիւը: Այլ կարծես թէ չարագուշակ եղաւ Ստեփանոսի զիջողութիւնը: Հազիւ թէ Ստեփանոս Սիսէ Հոռոմկլայ էր վերադարձած, որ Աշրաֆ սուլթան Եգիպտոսի, որ յաջորդած էր իւր հօր Ալփի սուլթանին (1290), յաղթական արշաւանքով Կիլիկիա մտաւ, Տրապոլիսը և Պողոմայիսը գրաւելէ ետքը, և Հոռոմկլայն պաշարեց, և ամիս մը

պատերազմելով նախ քաղաքը առաւ, յետոյ ներքնաբերդը, և ի վերջոյ բարձրագոյն միջնաբերդը, ուր էին կաթողիկէն և հայրապետանոցը: Ստեփանոս կաթողիկոս գերի ինկաւ տասուերկու եւ պիսկոպոսներով և եկեղեցականներու բազմութեամբ, և թշնամիին ձեռքը ինկան եկեղեցական զանձեր և սուրբ մասունքներ, որոնց մէջ նաև Լուսաւորչի Ս. Աջը, հայրապետութեան նուիրական նշանակը: Աւարի առնուած իրերուն մէջ էին նաև Ս. Լուսաւորչի գաւազանը և աթոռը և պատարազի սնդանը, և Ս. Հռիփսիմէի հողաթափն ու շղարշը ու պարեգօտը: Ստեփանոս գերի տարուեցաւ բանակին հետ, Դամասկոսի հրապարակին վրայ խեւս դրուեցաւ, և Եգիպտոսի մէջ երկաթի շղթաներով բանտարկուեցաւ, ուրև տարի մը մնալով բանտին մէջ վախճանեցաւ (1293), և Հաբաշի Ասորիներուն եկեղեցւոյն մէջ թաղուեցաւ եգիպտաբնակ քրիստոնեայններուն ձեռքով: Օրբէլիան սրտին ցաւէն բացազանչաբար կը խօսի Հեթումին. և Ստեփանոսի բանտարկութիւնը և սրբութեանց կոչուստը կը վերագրէ Կոստանդինի անիւրաւ պաշտօնանկութեան և բանտարկութեան և զրկման (Օրբ. Բ. 192), և նոյնիսկ Սմբատ կը գիտէ, կարծեմ թէ լանիբաւ իրաւանց եղև վասն Տէր Վոստանդեայ աքսորելոյն, զի այս ամենն վասն նախանձու եղև (Սմբ. 126):

142. Ստեփանոսի գերութենէն ետքը, ինչպէս նաև նորա գերութենէն առաջ, հայրապետական գործերու վարիչը՝ Դրիգոր Անաւարդեցիին էր, այնպէս որ Օրբելիան ծռազատիկին թուականը (1292) Անաւարդեցիին կաթողիկոսութեան երկրորդ տարին կը կարծէ (Օրբ. Բ. 193), թէպէտ և Հոռմկլայի առումին թուականը և Ստեփանոսի մահուան տարին ճշտելով Անաւարդեցիին ընտրութեան թուականը կ'իյնայ ծռազատիկին յաջորդ տարին (1293), ինչպէս միաձայն կը վկայեն Սմբատ (Սմբ. 126) և Հեթում (Հեթ. 85). և նոյն ինքն Օրբելիան ալ (Օրբ. Բ. 193): Սակայն Անաւարդեցիին բուն կաթողիկոսութիւն կը սկսի Ստեփանոսի բանտի մէջ մեռնելէն ետքը: Աշրաֆի աւար տարած սուրբ մասունքներուն համար Օրբելիան կ'ըսէ թէ կորեան անհետ եւ անգիր, եւ բնաւ ոչ երեւեցան (Օրբ. Բ. 192), սակայն Սմբատ կը վկայէ թէ Հեթում զնեաց զԱջն Լուսաւորչի եւ զամենայն մասունս (Սմբ. 126), և այս ազատումը կը հաստատուի աղգային աւանդութեամբ, որ ամենայն մտադրութեամբ կը հետևի Ս. Աջին պատմութեան մինչև ցայսօր: Թերևս տակաւին գնուած և ազատուած չէին մասունքները, կամ թէ լուրջ Արևելք հասած չէր երբ Օրբելիան, գերութենէն անմիջապէս ետքը, բոցակէզ գրչովը կ'ողբար դժբաղդ արկածը:

I Բ Լ Բ Ո Ւ Լ

Բաղի բլբուլ, շաղի բլբուլ,
Ինձ պէս խոցուած, սիրահար,
Բաղի միջին, շաղի միջին
Երգ ես կանչում անդադար:

Երգէ՛, բլբուլ, վերի բլբուլ,
Վարդդ գուցէ քեզ խղճայ:
Երգէ վերով, ծով արցունքով,
Վարդիդ սիրքը թող գղջայ...

11

*
* *

Թող ձօնեմ իմ սրտի ծաղկունքից նորաբոյս
Իմ ձեռքով պատրաստած մի փնջիկ-վարդ շուշան,
Թող ձօնեմ սեղանիդ—պաշտելի՛ մասադ կոյս,
Սրբութեան վեհ տիպար, դիցունի երկնաւժան:

Թող այնտեղ, սրբազան սանարում քո խորունկ
Այդ փնջիկ յաւիտեան չթօցնի, քառամի.
Աւելի բուրաւէ՛ս, քան հալուէ եւ կնդրուկ
Կը խնկէ քեզ, ո՛վ կոյս, պաշտաման արժանի:

ՅԱՐՈՒԹԻՒՆ ՊԵՏՐՈՍԵԱՆ

ԻՆՉ Է ՀԱՍԱՐԱԿՈՒԹԻՒՆԸ *)

V

Հոգեքանական ուղղութիւն

Իւր խորութեամբ, ընդարձակութեամբ և բազմազան ուսումնասիրութիւններով ամենից աչքի ընկնող ուղղութիւնը հասարակութիւնը հոգեքանական տեսակէտից ուսումնասիրող ուղղութիւնն է: Վերջինս իր հերթին ունի բաւական խոշոր իրարից, ըստ էութեան, տարբերուող ստորաբաժանումներ, որոնք խնդրին ձօտենում են միայն մի կողմից, աչքից բաց թողնելով միւս կողմերը: Այս ստորաբաժանումները միմեանց դէմ չեն և իրար չեն հերքում, աւելի շուտ լրացնում և ամբողջացնում են: Այն հանդամանքը, որ խնդրի ուսումնասիրութեան համար այս ուղղութեան մէջ առաջ են եկել բաւական խոշոր ստորաբաժանումներ ցոյց, է տալի, որ հարցը մի ճանապարհով չի կարելի լուծել, այլ տարբեր ճանապարհներով, քանի որ հարցը ինքը բարդ է և բազմակողմանի:

Այս ուղղութեան հետևողները ընդունում են, որ սօցիոլոգիան մի առանձին, անկախ գիտութիւն է, որը ուսումնասիրում է հասարակական կազմը և հասարակութեան զարգացումը: Առանց հասարակական օրէնքների չէր կարող սօցիոլոգիան իբրև ուրոյն գիտութիւն գոյութիւն ունենալ. եթէ հասարակական երևութների մէջ չեն իշխում օրէնքներ, եթէ հասարակութիւնը իւր զարգացման ընթացքում քմահաճոյքների է միայն ենթակայ, ապա սօցիոլոգիային աւելորդ կլինէր գիտութեան անունը տալ: Կարևոր է շեշտել սակայն և այն, որ գիտութիւնը դրաւում է ոչ թէ միշտ պարզը, ակնյայտնին որոնելով, հետախուզելով, այլ նաև ուշք է դարձնում հա-

*) Լուծալ 1909 № 7—8

ւանականի վրայ. եթէ միայն ակնյայտին, ճշգրիտը գիտութեան նիւթ լինէր, այն ժամանակ գիտութիւններից շատ շատերը, եթէ ոչ մեծագոյն մասը, ստիպուած կլինէին իրենց գոյութեան վրայ խաչ քաշել: Յայտնի է, որ ոչ մի գիտութիւն ընդհանրապէս առանց տեսութիւնների, ենթադրութիւնների գոյութիւն չունի. օրէնքները և հաւանական ենթադրութիւնները իրար կողքի առաջ են դնում և նպաստում են գիտութեան առաջ դնալուն: Այս հանգամանքը մեծ դեր է խաղում հոգեբանական ուղղութեան մէջ և նպաստում է աւելի ևս միահամուռ ջանքերով աշխատել ու սօցիօլօգիայի մէջ տեսութիւնները հաւանականութեան վերածելու, որ յետոյ էլ օրէնքներ կարողանան հանել:

Սօցիօլօգիան այս ուղղութեան համաժայն իւր ուշքն է դարձնում ոչ միայն հասարակութեան կազմակերպութեան օրէնքների վրայ, այլ և աշխատում է ուսումնասիրել հասարակութեան զարգացման օրէնքները: Այս դէպքում զրութիւնը վերջինիս մէջ տեղի ունեցող երևոյթների հետ միասին շաղկապուած է ինկատի առնւում. զրութիւնը չի բաժանւում նրա մէջ տեղի ունեցող երևոյթից, քանի որ զրութեան անհրաժեշտ մասն է կազմում երևոյթը. առանց երկուսի շաղկապման, միացման անհատականաւի կլինի ամբողջութիւնը: Գալով այն խնդրին, թէ ինչ է ինքը հասարակութիւնը, պէտք է նկատել, որ այս առթիւ տարբեր որոշումներ են արել. ամենից հաւանականն է իմ կարծիքով այն, որը բնորոշում է թէ հասարակութիւնը մարդկային անհատների միատեղ կեցութեան մի կազմակերպութիւն է, մասամբ դիտակցական: Ամբողջութիւնը այսպիսով ազդում է իւր մասերի վրայ, բայց ամբողջն էլ իւր հերթին մասերի ազդեցութեանն է ենթակայ: Հասարակութիւնը մի ոչ թէ այս ուղղութեան համաժայն, անհատականը ընդհանրացնող ոչ թէ. անհատական արտայայտութիւնները գաղափարները, մտքերը հասարակութիւնը տարածում է, ծաւալում և տալի հասարակական գոյն. այս դէպքում անհատականը զառնում է հասարակական: Միւս կողմից ի նկատի ունենանք նաև այն հանգամանքը, որ հասարակութիւնը իրար մօտ զրած ան-

հատների մի գումար չէ, այլ նա այդ անհատների ղէպի մի մեանց և ղէպի ամբողջութիւնը ունեցած յարաբերութիւնների մի անբաժան ամբողջութիւն է: Այսպիսով ըստ այս ուղղութեան անհատական հոգեբանութեան կողքին զոյութիւն ունի նաև հասարակական հոգեբանութիւնը: Հասարակական հոգեբանութիւնը իբրև առանձին ոյժ և տարբեր երևոյթ քան անհատականն է իւր հերթին ազդում է անհատականի վրայ: Հասարակութիւնը այսպիսով մի կազմակերպութիւն է, որի մէջ տեղի ունին անհատական և հասարակական հոգեբանութեան երևոյթների ընդհարումներ և շաղկապումներ: Այստեղից պարզ երևում է, որ անհատականը չի ժխտում այս ուղղութեան մէջ, բայց և անհատին չի վերադրւում անպայման գերակշռող նշանակութիւն, այլ միայն ճանաչւում է նրա յարաբերական ոյժը հասարակական երևոյթներում: Եթէ ըստ Սպէնսերի ասելու լինինք հասարակութիւնը մի վերօրգանական կազմակերպութիւն է, քանի որ կան օրգանական և ոչ օրգանական կազմակերպութիւններ: Հոգեբանական ուղղութիւնը իբրև առաջնորդող թէ՛ ընդունում է այն, թէ՛, ըստ Շօպէնհաուերի ասած, իւրաքանչիւր նիւթ միայն անհատի գիտակցութեան ծեփակերպումն է՝ մտածողութիւնն է, որ ծեփակերպում է այս կամ այն ծեփով հասարակութեանը իբրև փաստ և նրա երևոյթները իբրև զարգացման ազդանշաններ:

Եղել են ուսումնականներ, որոնք աշխատել են հասարակութեան կազմութեան համար մի նախապատճառ, կամ մի սկզբնական սաղմ գտնել (օրինակ Լ. Գումպլովիչ) բայց այս խնդրի նկատմամբ աւելի բեղմնաւոր ու խելացի են թւում Մ. Կովալեւսկու առաջարկը «Սոցիօլօգիան մեծ օգուտ կստանար եթէ նա իւր անմիջական խնդիրներից հանէր այն հոգսը, որ պէտք է որոնել մի նախապատճառ և բաւականանար նրանով, որ համաձայն հասարակական երևոյթների բարդութեան ու բազմազանութեան, պէտք է ցոյց տալ միաժամանակ և դուրսհեռաբար դործող պատճառների ազդեցութիւնը և հակազդեցութիւնը հասարակական կեանքում»¹⁾: Այսպիսով հասարա-

¹⁾ Տե՛ս М. Ковалевский; Современ. Социологии кр. XIV.

կական կազմը ոչ թէ մի նախապատճառի, մի զլխաւոր նշանաւոր զինքնէն է համարուած, այլ շատ պատճառներէն, որոնք կարող են միաժամանակ և լաւ և վատ ազդեցութիւն թողնել հասարակական կազմի և ընթացքի վրայ: Այս պատճառներէն ոմանք կարող են իրենց ազդեցութիւնը ուժեղացնել, ախրապետող հանդիսանալ և թուալ իբրեւ միակ նշան. սակայն ընդունել, որ այդ ժամանակաւոր դիտակցութիւն ստացած նշանաւոր պատճառ է և ընդմիշտ ախրապետող, կնշանակէ միակողմանի լինել և իրերի խորքը չթափանցել²⁾:

Եթէ նշանիսկ հնարաւոր լինի հասարակութիւնը վերլուծել, մասերի բաժանել, ինչպէս մի քիմիական մարմին վեր են ուծուած, և հասնել վերջը միայն մի տարրի, այդ դեռ չէր նշանակի, որ այդ տարրը ևս իր հերթին չի կարելի աւելի ևս տարրերի վերածել կամ բաժանել: Եթէ այժմ այդ տարրը մենք չենք կարողանում բազադրիչ մասերի վերլուծել, այդ մեր դիտական միջոցների և պատրաստութեան անկարողութեանը և անկատարելութեանը սխալ վերագրել. այս զէպքում ստիպւած քիմիայում դիմում են միայն մի հաւանական տեսութեանատոմի տեսութեան, որը իւր հերթին միայն մի ենթադրութիւն է և ոչ աւելի: Հասարակական կեանքի շերտաւորումը հետզհետէ առաջ է բերում նշաններ, որոնք այնքան են տարբերուած իրենց ծնող նշանից, որ անհնարին է լինում այլևս մի կապ գտնել երկուսի մէջ. բայց որ զլխաւորն է այդ նոր նշանը սկսում են անկախ գործել հասարակութեան մէջ: Վերջրէք մեր ժամանակի բարդ կեանքը, ուր գեղարուեստը, գրականութիւնը, բարոյականութիւնը, իրաւունքը առանձին առանձին նշաններ են կազմում և շատ անգամ անկախ գործում են. այս բոլորի համար մի նախապատճառ որոնելը, այս այլազան երևոյթներին մի սաղմից հասնելը միայն զուր, աշխատանքի գուռն է բաց անում ուսումնականների առաջ: Քանի որ հասարակական կազմը իր վերջին ելակէտում անհատական և հասարակական հոգեբանութեան գումարն, իսկ հոգեկան աշխարհը, բոլոր Վոլնդի, չի ներկայացնում մի ինչ որ մշտական բան, այլ նա

²⁾ См. М. Ковал. Говр. Социологи Եր. 286

մի գործողութիւն է, որը միշտ ձեւափոխուած է, ապա պարզ է, որ այդ մշտական ձեւափոխութեան մէջ մենք գործ ենք ունենալու միշտ տարբեր երեւոյթների, տարբեր պատճառների ու հետեւանքների հետ:

Ինչպէս ասացինք սօցիօլօգիայի խնդիրն է, ոչ միայն հասարակական կազմն ուսումնասիրել, այլ նաև այդ կազմի զարգացման օրէնքները կամ հաւանական ենթադրութիւնները ուսումնասիրել: Այժմ դիմենք վերջին խնդրին, թէ ի՞նչպէս է հասկանում հոգեբանական ուղղութիւնը հասարակական կազմի զարգացումը և անհատի դերը այս զարգացման մէջ ի՞նչ տեղ է բռնում և ի՞նչպէս: Շնորհիւ ժողովրդագրութեան և մարդաբանութեան սօցիօլօգիան հնարաւորութիւն է ստացել բազմաթիւ նախապատմական, վայրենի ապա և կուլտուրական ու պատմական հասարակական ձևերը համեմատել և տեսնել, որ հասարակութիւնը ժամանակի ընթացքում զարգանում է. Ջարգացման փաստը ակներև է, հարկաւոր է այս փաստը հասկանալ և բացատրել: Նախ նկատենք, որ զարգացում և յառաջադիմութիւնը հասարակութեան և օրգանիզմի մէջ տեղի ունեցած փոփոխութիւնների հոգեբանական ու բարոյական տեսակէտից քննուած սուբիեկտիվ հասկացողութիւն է միայն: Մարդկային հասարակութեան մէջ նկատելի է մի զարգացում, որը նրան տալիս է նոր միջոցներ գոյութեան կռիւ մղելու, ոչ իւր մերժաւորների և իւր նմանների դէմ, այլ շրջապատող բնութեան դէմ. այդ զարգացումը մարդուն տալիս է հոգեկան նոր ոյժեր չմաքառելու իւր մերժաւորի դէմ, իսկ հասարակական կազմին տալիս է այնպիսի կազմակերպութիւն, որով այդ կռիւը մերժաւորի, ընկերի դէմ ըստ ինքեան աւելորդ և անհասկանալի է դառնում¹⁾: Ջարգացման հնարաւորութիւնը առաջ է դալիս միայն այն ժամանակ, երբ զիտակցական գործունէութիւնը գերակշռող դեր է ձեռք բերում անդիտակցականի վերաբերմամբ²⁾: Այս դէպքում առաջ է դալի զիտակցականի և անգիտակցականի ընդհարումն և միայն այդ պայ-

1) Տէս Карфевъ Введ. в. изуч. Соц. 286 էր.

2) Տէս М. Ковал. Совр. Социологи էր. 428.

քարից յետոյ տեղի է ունենում յառաջադիմութիւն: Բանի որ իդէան, իբրեւ այդպիսին, իբրեւ գիտակցութեան արտայայտութիւն ըստ ինքեան իւր հանդէս զալովը մի զործողութեան սկիզբն է դնում, հասկանալի է ուրեմն, որ իդէաների փոփոխութիւնը կեանքի մէջ փոփոխութիւններ է առաջ բերում և միւս կողմից կեանքի փոփոխութիւնն էլ իւր հերթին առաջ է բերում նոր իդէաներ:

Հասարակութեան զարգացման մէջ մենք տեսնում ենք անհատի հետզհետէ ազատագրուելը հասարակութեան ամբողջութիւնից հոգեպէս. հասարակական կազմի ամբողջ յոյժը թուլանում է անհատի հոգեկան աշխարհի վրայ, մեծ ազդեցութիւն թողնելուց. այս դէպքում ծգտման առարկայ դառնում է ազատ ցանկութեամբ համախմբուած ու կազմակերպուած մարդկային հասարակութիւնը: Աւելորդ է ասելն անգամ, որ սօցիալական խնդիրը վերջնականօրէն վճռել, տալ մի վախճանների վախճանը արտայայտող բացատրութիւն անհնարին է. այդ կնշանակէր կեանքի զոյութիւնը կանգնեցնել, մինչդեռ քանի կեանքը կայ, որը մի յոյժ է, նա զիմադրութեան պիտի հանդիպի, այլապէս նա յոյժ չի լինի, իսկ զիմադրութիւնը ծրգտման, պայքարի ազդանշանն է:

Յիշենք կողմնակի, որ ժամանակակից սօցիալիստական ուղղութիւնը այս տեսակէտից մի տեսակ մեղանշում է գիտութեան ու ճշմարտութեան դէմ, կարծելով որ մարդկանց բաղդաւորութիւնը վերջնականապէս սօցիալիզմի իրականացումով տեղի կ'ունենայ և որ այդ իրականացումը սօցիալիզմի արդարացի և ճշմարիտ լինելը կ'ապացուցանի: Հարկաւոր է յիշել, որ մարդկութիւնը միշտ ունեցել է և կ'ունենայ իւր «ոսկէ դարի» իդէալը և որ սօցիալիստական հասարակութիւնն էլ կ'ունենայ իւր «ոսկէ դարի» տենչը. սօցիալիզմն էլ մարդկային հասարակութեան զարգացման ընթացքում մի էտապ է: Եթէ սօցիալիզմն իրականանայ էլ զանազան ձեւափոխութիւններ, յաւելումներ ու յապաւումներ կրելուց յետոյ, այդ դեռ չի նշանակի, որ նա իրաւացի և արդար էր. քանի որ իրողութիւնը, իրականանալը և ճշմարտութիւնը հաւասարազօր դադա-

փարճեր չեն: Շատ երևոյթներ են եղել կեանքում, այդ դեռ չի նշանակում ի հարկէ թէ իրանք ճշմարտութեան արդիւններն են:

Ինչպէս ասացինք, հասարակական զարգացման մէջ նկատելի է անհատի հետզհետէ անջատումը կամ ազատագրումն հասարակական յոփից. անհատը իր ամբողջութիւնը աւելի է մեծացնում: Աշխատանքը անհատի օրդանների մէջ աւելի է մեծանում իսկ անհատների իրենց մէջ պակասում է (Михайловскій). Ի հարկէ անհատը հասարակութեան բաղադրիչ մասնն է, բայց նա ըստ ինքեան մի հոգեկան միութիւն է: Անհատը բնորոշելիս մենք չենք արժանագրում միայն նրա գոյութեան փաստը, այլև տալիս ենք նրան որևէ գնահատութիւն. մինչդեռ օրդանիզմը բնորոշելու դէպքում մենք միայն արժանագրում ենք փաստը, առանց որևէ արժեքաւորման: Պարզ է, որ անհատին և օրդանիզմին ոչ մի դէպքում նոյնացնել չի կարելի: Որքան և հասարակութիւնն ու անհատը միմեանց հետ անմիջական յարաբերութեան մէջ են գտնուում, միմեանց լրացնում և պայմանաւորում են, այնուամենայնիւ անհատը ունի իր որոշ ազատութիւնը, որով նա հնարաւորութիւն է ստանում միջավայրի արդիւնք լինելով հանդերձ, իւր հերթին աղդել այդ միջավայրի վրայ, որոշ դէպքերում անկախ դեր խաղալ շնորհիւ իւր ունակութիւնների: Թէ ի՞նչ է նշանակում անհատի ազատութիւնը, մասամբ կարելի է մասնանիշ անել պատմական անցեալը, երբ չիրաւի անհատը մեծ չափերով էր կլանուած հասարակութիւնից և մի տեսակ զուրկ էր ինքնուրոյնութիւնից: Յիշենք մեր ներկան, երբ անհատը ինքնագիտակցութեան շնորհիւ կարողացել է բաւականաչափ ազատագրել իրեն թէ հասարակութիւնից և թէ մասամբ բնութիւնից:

Ոչ ոք չի կարող ժխտել, որ մեր մէջ գոյութիւն ունի «Ես»-ի գիտակցութիւնը. մի գիտակցութիւն, որով իւրաքանչիւր անհատ զգում է և համոզւում, որ ինքը տարբեր է ֆիզիկական բոլորից, որով նա գիտակցում է թէ ինքը մի ամբողջութիւն է, մի ինքնուրոյնութիւն, որի նմանը չկայ և չի եղել: Այդ «Ես»-ի գիտակցութիւնը մի ապացոյց է անհատի ազա-

տութեան և պատասխանատուութեան զիտակցութեան: Այն հանգամանքը, որ մենք մեղ պատասխանատու ենք ճանաչում մեր գործերի համար, որ մենք զիտակցում ենք մեր որևէ արարքի մերր լինելը, մեզանից դուրս գալը, արդէն իսկ ապատութեան ապացոյց է: Լինելով միջավայրի ազդեցութեան տակ և որոշ չափով նրա ծնունդը, մենք այնուամենայնիւ զիտակցում ենք, որ մեր «Ես»-ը այլ բան է քան շրջապատը, որ մեր «Ես»-ի տակ մենք հասկանում ենք տարբեր երևոյթներ, քան շրջապատն է. չլինէր այդ ապատութիւնը հասարակութիւնը չէր ունենայ անհատներ, այլ միայն մի զանգուած ըստ ամենայնի իրար նման օրգանիզմների: Բարոյական օրէնքների զիտակցութիւնը, երկրի և երևոյթների գնահատումն, արժէքաւորումն նոյնպէս ապացոյցներ են, որ մենք ունենք փորձելու որոշ ապատութիւն, որ մենք միայն մի մեքենայ չենք, այլ որոշ դէպքերում նաեւ ստեղծագործողներ ենք:

Անհատի ապատութեան մասին խօսելիս չպէտք է մոռանալ, որ ազատութիւն ասելով մենք չենք հասկանում երևոյթների առանց պատճառների առաջ դալու մի հնարաւորութիւն: Առանց պատճառների երևոյթներ չկան, այս ներկայումս մի աւելի քան տարածուած և ծամծմուած հասկացողութիւն է: Եթէ սօցիօլօգիան չընդունէր պատճառականութեան օրէնքը, նա իբրեւ զիտութիւն գոյութիւն չէր կարող ունենալ, որովհետեւ ուր, այսպէս ասած, կամայականութիւնն է իշխում, այնտեղ օրէնքներ փնտրելը կամ ընդհանրացումներ, տեսութիւններ կազմելը անմտութիւն կլինէր, իսկ առանց վերջիններիս մի որևէ զիտութիւն անհատականալի է: Ազատութիւնը այս դէպքում պէտք է հասկանալ այս ձևով: Վունդն ասում է, որ առհասարակ հոգեկան կեանքի էութիւնը կամքն է. նա ընդունում է, որ զիտակցութիւնը ու կամքը միմեանցից անբաժան են. մէկի զարգացմանը զուգահեռական գնում է և միւսին. ենթադրել զիտակցութիւն առանց կամքի անհնար է: Սակայն կամքը հոգեկան կեանքում գերակշռող դեր է խաղում, ընթացք է տալի հոգեկան երևոյթներին: Անհատի համար այսպիսով գերակշռող նշանակութիւն ունի կամքը: Վունդը ընդու-

նում է կամքի ազատութիւնը, ազատութիւնը, ասում է նա, և մի որեւէ էակի ընդունակութիւնը մտածուած ընտրութեամբ զանազան պատճառների մէջ իւր գործելակերպը որոշել, ուրիշ խօսքով, կամքի ազատութիւնը ոչ թէ կամքի սանձարձակութիւն է նշանակում կամ կամայականութիւնը, այլ որ եղած պատճառների մէջ, զրդիչ մօտիվների մէջ նա ընդունակ է ընտրութիւն անել, հետեւել սրան կամ նրան, զերակշռութիւն տալ սրան և ոչ նրան, հետեւել այս գործելակերպին և ոչ այն: Այսպիսով պատճառականութիւնը մնում է իւր աեղը, միայն նա անխուսափելիութեան արժէք չունի. կամքը հնարաւորութիւն ունի ընտրութիւն անելու նրանց մէջ: Այսպիսով յանձին Վուլդի տուած կամքի ազատութեան բացատրութեան ստանում ենք անհատի ազատութիւնը հասարակական խնդիրներում. անհատը մեքենայի դերից դուրս է դալիս և մանում է մեքենագործի դերի մէջ: Այս տեսակէտից է, որ հասկանալի է դառնում անհատի և հասարակութեան, իբրև ուրոյն ցոյցերի, յարաբերութիւնները և միմեանց փոխադարձաբար լրացներ:

Հասարակութիւնը ինքը ոչ թէ տրամաբանական մտածողութեան արդիւնք է, այլ կամքի ջերկայութիւն, ուրեմն որոշ չափով հասարակութիւնը ինքը ևս ազատ է իւր գործելակերպի մէջ: Հասարակութիւնը իւր վեր-օրգանական հոգեբանութեան շնորհիւ է հասկանալի և քննութեան առարկայ. անհատական և հասարակական հոգեբանութիւնների ընդհարումները ու հաշտութիւնները կազմում են հասարակական կեանքի զարգացման ուղին: Սօցիօլօգիան այս տեսակէտից դառնում է մի փիլիսոփայական գիտակարգ, նա տալիս է սօցիալական երևոյթների տեսութիւնը:

Եղբորաբանելով բոլոր վերոյիշեալ դատողութիւնները պէտք է ասենք, որ հասարակութեան զաղափարը մի հաւաքական դաղափար է, որ այս զաղափարը ճշգրիտ որոշել, կամ բացարձակ մի որոշում տալ անկարելի է: Հասարակութեան զարգացման ուղին զնել ընդհանուր հրամայողական օրէնքների տուի, օրէնքներ, որոնք միակողմանի և կիսատ են, կնշանակէ

սկսող մատմելուներս ունենալ նոյնքան թիւր հասկացողութիւն է անհասարակ խաղացած ուրոյն դերը չգնահատել այդ զարգացման մէջ: Այս բոլորը ցոյց են տալի, որ հոգեբանական ուղղութիւնը իւր տուած բացատրութիւնների մէջ հեռու է զօգմատիկ ուղղութիւնից և խորն ու բաղձակողմանի է ընդգրկում երևոյթները քան միւս ուղղութիւնները: Անշուշտ այս ուղղութիւնն էլ դեռ շատ խնդիրներ մութ է թողել և կան հարցեր, որոնց համար բաւարար բացատրութիւններ չի տուել դեռ, բայց այն որ գիտութիւնն է, որ չունի դեռ չլուծուած պրօբլէմներ, դեռ ստիպուած չէ նորանոր տեսութիւններ տալ և աւելի հաւանական բացատրութիւնների դիմել: Խնդիրը ուրեմն ոչ թէ այս դէպքում առաջարկուած հարցի ըստ ամենայնի պարզաբանելն է, այլ այդ հարցի համար ընարուած եղանակը, մեթոդը. այս տեսակէտից հոգեբանական ուղղութիւնը չիրաւի հարցը աւելի է պարզաբանում և աւելի ուղիղ միջոցներ է առաջարկում չեաազայ ուսումնասիրութիւնների համար:

Զգիտեմ որքան է ինձ յաջողուել միանգամից գաղափար տալ այս գրութեան հասարակութեան ի՞նչ լինելու և ի՞նչպէս զարգանալու մասին. իբրև առաջին փորձ անշուշտ շատ թերութիւններ կլինեն մէջը, սակայն թւում է, որ ընթերցողը առնուազն մի գաղափար միշտ շեշտուած պիտի տեսնի, այն որ հասարակութիւնը ըստ ինքեան մի դիւրըմբռնելի երևոյթ չէ, յանուն որի կամ ընդդէմ որի կարելի լինի դուրս գալ և գործել, որ հասարակութեան ինչ լինելը հասկանալու համար հարկաւոր է երկար աշխատանք, ուսումնասիրութիւն և համոզմունք. առանց վերջինիս հասարակութեան մէջ յանուն հասարակութեան գործողը առնուազն անբարեխիղճ է, եթէ ոչ աւելին:

Ով համոզուած չէ գործում, ով գիտակցաբար չէ մօտենում հասարակութեանը, աւելի շուտ նա վնասակար է, քան օգտակար հասարակութեանը:

Pessimist

ՔՕՍԱ-ԴԱՂ ԼԵՐԱՆ ՎԿԱՆ *)

IX

Գիշերը մերձենում էր վախճանին: Տեղ-տեղ մեռելային լուծ-
թիւնը ընդհատում էր այս ու այն արենուշտ գազանների ոռ-
նոցով, որոնք ասես բողոքում էին Նախախնամութեանը, որը
այդպէս կանուխ վերջ է տալիս խաւարի իշխանութեանը:

Մերթ-միւրթ վերջալուսինը հապճիպ քայլերով մթնաշաղ-
թուղպերի տակից իր խամրած երեսն էր ցոյց տալիս Ձագ գիւ-
ղի բարձրագագաթ լեռներին, որոնք գիշերային խաւարի մէջ մի
սահաբեկող սարսուռ էին առաջ բերում շրջակայքում և ահ ու դող
տարածում իւրաքանչիւր արարածի վրայ: 'Նեռ երեկ նրանք ա-
կանատես էին եղել իրանց խուլ ու մութ ձորերով անցնող թըշ-
ուռառների մի ստուար բազմութեան, որոնք եղկելիութեան հետ-
քերն էին թողել նրանց ապառաժ կրճքի վրայ: Կարծես այդ
վշտախորով զաւակների տեսքը և անհուն անմխիթար դրութիւնը
խորն էր ազդել նրանց սրտի վրայ. նրանց պատկերը այդ գիշերը
մի արտասովոր մոռյալ կերպարանք էր ստացել և զգալի կրում էր
իր վրայ սևագոյն թախծի և տրտմութեան կնիքը: Գիշերուայ
այդ պահուն Ձագ գիւղի սահմանը տանող ճանապարհի վրայ եր-
կու հակառակ ծայրերից երկչոտ քայլերով ընթանում էին երկու
հոգի, որոնք հեռուից գիշերային ուրուականների էին նման. նրան-
ցից մէկը գալիս էր դէպի գիւղը, իսկ միւսը դէպի սահմանն էր
աճապարում: Վերջինը անցաւ գիւղի դաշտի միջի աղբիւրի
մօտով, մի վշտալից հայեացք զցեց դէպի այն կողմ, ուր ջուրը
անընդհատ վրխկ ու բըխկ անելով վիժում էր երկրի խորքերից:
Թշուառ ճանապարհորդը խոր հոգոց հանեց, ապա շարունա-
կեց իր ճանապարհը: Զրեւի անընդհատ տնքոցը յիշեցրեց նրան
շատ բան: Նա յիշեց թէ՛ ինչպէս այդ աղբիւրի կողքին ինքը քա-
նի-քանի տարիներ հանգիստ է գտել և վարդագոյն յոյսերով դէպ
իր ապագան շարժուել. յիշեց թէ՛ ինչպէս ինքը վերջին ան-
գամ ընկերների հետ վերադառնում էր սահմանից և պատրաստ-

*) «Լուսնայ» 1909 № 7—8

ւում իր ներկայութեամբ բաղդաւորացնել Սօնային... Բայց այժմ ամեն ինչ կորած էր նրա համար, կորած էր անդառնալի և ինքը գլուխ դնելու տեղ չուներ անգամ: Իր ծննդավայրը, հայրենի օջախը հալածում էր նրան և աստանդական գաւազանն իրան բաժին էր մնացել:

Ճանապարհորդը Վահէն էր, որը վերադառնում էր Ձագ գիւղից:

Մինչ սրտամաշ խոհերը գալիս էին ու անցնում նրա գլխով, մօտեցաւ միւս ճանապարհորդը, որի մոայլ երեսը, գրգգոլած մագերը, անհաւասար քայլերը և ստէպ-ստէպ ցնցումները մարմնի զանազան մասերում խելագարի էին նմանեցնում նրան:

Վահէն նայեց նրան և մնաց զարմացած. մօտով անցնում էր Վռամը: Վերջինս էլ տեսաւ Վահէին և սովորականից աւելի աւագացրեց քայլերը: Վահէն, տեսնելով այս յանկարծական փոփոխութիւնը, դուրս եկաւ ճանապարհից և քայլերը ուղղեց դէպի Գ. գիւղի հսկայ լեռները: Չանցաւ երկար ժամանակ, Վահէի ականջին պարզ զարնուեցին հարայ-հրոցի ձայներ: Նա նայեց Գ... գիւղի ճանապարհին: Այնտեղ գինուած մարդկանց ստուար խումբ դէպի առաջ էր վազում: Այդ խառնաշփոթութեան մէջ նա ճանաչեց Վռամի ձայնը, որը պնդում էր թէ՛ «ինքս տեսայ այդ աւագակ Վահէին աղբւրի մօտին, տեսայ և վազ տուեցի ձեզ յայտնելու. քայց ինչ եղաւ, ուր ծլկուեց՝ սատանան էլ չի իմանում»: Վահէն հասկացաւ, որ իրան են հալածում, հասկացաւ, որ Վռամն էր նրանց ոտքի հանել և կորաւ լեռների խոռոչներում: Երկար փնտռելուց յետոյ Վռամը վերադարձաւ իր մարդկանց հետ գիւղը, նզովելով չար բաղդը, որ չը կարողացաւ բռնել այդ աւագակին: Գիւղում Վռամը վճռեց մի առժամանակ հանգստանալ և հսկել Ալաշկերտցոց տունը, լիայոյս լինելով, որ Վահէն դարձեալ այցելութեան կը գայ իր մօրը: Այսպէս անցկացաւ մի քանի ամիս: Գաղթականները, որոնք այդ գիւղում էին ապաստան գտել, համոզուեցին, որ աւելի բարւոք է հեռու կենալ Վռամից: Սալայն թշուառները շուտով ենթակայ եղան զանազան հիւանդութիւնների: Աւելի երջանիկ էին նրանք, որոնք քաղաքներում էին ապաստանել. այստեղ զանազան բարեսիրտ մարդիկ կարեւոր չափ հոգս էին տանում ամօքելու նրանց վերքերը և կարեկից լինել նրանց վշտերին: Ջանքեր չէին խնայում և բժշկները, ձրիապէս բժշկութիւն էին անում, առողջապահիկ խորհուրդներ տալիս նրանց և մեղմում նրանց տառապանքները:

Այսպէս չէր գիւղում: Այստեղ նրանք ամեն բան իրանց ճակատի քրտինքով էին ճարում: Թէև սկզբներում հայ գիւղացին բաց արեց նրանց առաջ իր առատ սփռոցը, սակայն հետզհետէ իրերը իրանց սովորական դերի մէջ մտան և գիւղական այդ սփռոցը փակեց իր ծայրերը նրանց առաջ: Այստեղ աւելի սուր կերպարանք ստացան նրանց մէջ բուն դրած այլ և այլ հիւանդութիւնները. սակայն անհրաժեշտ բժշկական օգնութիւն և ոչ մի կողմից, այստեղ չը կային բժիշկներ, այլ նրանց դերը կատարում էին գիւղական գորբացները, որոնց հասցրած փաստը աներկբայի է:

Ձագ գիւղի փախստականներն էլ ազատ չը մնացին այս ցաւալի վիճակից. նրանց մէջն էլ երևան եկան հիւանդութեան դէպքեր: Բայց ամենից վտանգաւոր էր մի այրի կնոջ 13 տարեկան որդու հիւանդութիւնը: Թշուառ կինը ականատես էր եղել քրդերի գաղանդութիւններին, իսկ այժմ ճակատագիրը դարձեալ հաւածում էր նրան. նրա թաղան դաւակը մերձ փ մահ հիւանդ էր լինչ անէր. հում դիմէր: Պառաւններին նա շատ էր փորձել, շատ էր նրանց այս ու այն տգէտ պատուէրները կատարել և վերջը այն եղբակացութեան եկել, որ նրանցից իրան և իր որդուն օգուտ չը կայ: Այժմ յանկարծ լսում է, որ գիւղում մի բանիմաց մարդ կայ, այն էլ հայ, այն էլ քահանայի որդի. բայց երբ իմանում է, որ այդ մարդը Վռամն է, մնում է շուաբած և յուսախաբ. նա գեռ Տրիւից գիտէր նրա ով լինելը: Սակայն թողնել որդուն կիսամեռ դրութեան՝ անկարող էր. նրա մայրական քնքոյշ սիրտը այլևս ընդունակ չէր տանել որդու ծանր հառաչանքը: Պէտք էր մի բան անել: Դիմել Վռամին՝ կը նշանակէր ընկնել նրա ցանցը, թողնել որդուն այդ դրութեան մէջ՝ նրա զգացմունքներից բարձր էր: Երկւոր, շատ երկար նրա մէջ կռուում էին այդ երկու նուիրական զգացմունքները՝ հաւատի և որդու սէրը: Որքն տալ առաւելութիւն, որքն ուրանալ. երկուսն էլ հաւասարաչափ անփոխարինելի էին նրա համար: Այս կռուի մէջ, նա իր շուրջը մոռացութեան տուած՝ ընկղմուել էր յոյզերի տարտարոսը և ոչ մի ելք չէր գտնում: Ամեն ինչ մութ ու խաւար էր. մտքերի խռովայոյզ ծփումը փակել էր նրա ուղին դէպի փրկութեան դռները: Մինչ վճռում էր առաջինին տալ առաւելութիւն, որդին իր դալկացած, մաշուած դէմքով ցցում էր նրա առաջ և նրա մայրական սիրտը տակն ու վրայ անում: Նա սիրող մայր էր. Դառնում էր դէպի վերջինը, հայրենիքի սրբազան վայրերը: Հայ եկեղեցին վայրկինաբար իր շուք ու զարդով կանգնում էր նրա առաջ: Նա այդ եկեղեցու հաւատարիմ զաւակն

էր և անհուն հաւատով հաւատացողը...

Յոռո... որդու խեղդուելու ձայնը ուշքի բերեց թշուառ մօրը։ Մի ցնցում անցաւ նրա մարմնով. նա ամեն ինչ մոռացաւ. մի դառնագին ճիչ արձակեց ու շտնթահար առիւծի նման դուրս թռաւ տանից ու կորաւ գիշերային խաւարի մէջ։ Մի քանի րոպէ, ահա նա Վռամենց դռանն է կանգնած։ «Թըրխկ-թըրխկ-թըրխկ...» լսեց ներքեից դռան թակելու ձայնը գրասեղանի առաջին բազմած Վռամը։ Մօտեցաւ լուսամուտին, բաց արեց և դայրոյթով գոռաց.

—Ո՞վ էք։

—Ես եմ, մի անտէր գաղթական կնիկ... լսուեց դրսից անբաղդ կնոջ խուլ ձայնը։ «Գաղթական», մոմուաց Վռամը հազիւ լսելի ձայնով, ապա հարցրեց.—Ի՞նչ կայ գիշերուայ այս պահուն. ի՞նչ խօսելիք ունիս ինձ հետ։

—Ողձաւ ընձի, պ. Վռամ, մինուճար որդիս մերձ ի մահ հիւանդ ա, մեռնում ա...

—Ի՞նչ անեմ մեռնում է, թող մեռնի, ես կարող եմ Աստուծոյ ձեռքը բռնել,—ընդհատեց նրան բժիշկը։

—Ձրս կրնա, հմա դու քո իգալով կոնաս դռնիւ շատ բան ընել, ապտել ընտօր մահւան գրկից։

—Իմ այցելութիւնով,—փընթփընթաց Վռամը, հա, իմ այցելութեան նշանակութիւնն նոր էք տալիս հա. չէ՞ որ ես ինքս եկայ ձեր առաջ, քարոզեցի, որ հէնց ձեր օգտի համար լսէք ինձ, բայց դուք կատարեցիք։

—Ախր ի՞նչ լսէինք. որիս գլխին էն ժամանակ խելք կէր։

—Որ լսէիք, համ փող կունենայիք, համ ուրիշ լաւ-լաւ բաներ։

—Դէհ, յընցել ա, պ. Վռամ, խղճա, գնանք. տղիս կուշտ մարդ չը կայ, մենք յետըցանք։

—Ես հեքմութեամբ չեմ պարապում, և այս պահուն տանից դուրս գալ չը գիտեմ։ Բայց, որ շատ ես աղաչում, կը գամ, միայն պիտի լսես ինձ՝ հէնց քո և տղայիդ օգտի համար ընդունէք մեր հաւատը, որը ձերից այնքան էլ տարբեր չէ,—ժպտալով վերջացրեց բժիշկը։

—Ախ... սթափուեց թշուառ կինը,—էս ժամին ու էդպիսի առաջարկութիւն, պ. Վռամ, մեղք ա քու հոգու համար։

—Դէհ, որ չես լսում, կորիր, թող ես հանգիստ մնամ, հեռացիր, քեզ ասում եմ։

—Մի վերեւ իշկայ, պ. Վռամ, էստեղ Մէկը կայ, որ ամեն բան կը տեսնա, թողէք ամեն էդ առաջարկութիւններ և եկէք գոնէ ձեր Աստուծոյ խաթեր համար։

—Լոկր և հեռացիր, ես հայ եմ. ես քեզ ասում եմ տար-
բերութիւն չը կայ այդ հաւատների մէջ և հիմի հանգամանքները
պահանջում են և ժամանակ էլ է թողնել ձեր հաւատը:

—Իմ լոյս հաւատը իմ որդուց բարձր ա, քեաֆուր անաս-
տուած, թող էն էլ միտնի շատերի հետ, միայն թէ ես չեմ խախ-
տի հայրենի երկրին, հայրենի եկեղեցուն տուած ուխտս, ամօթ
քզի, քարասիրտ մարդ, ապառաժ է քո սիրտը:

—Սուսս... ճշաց Վուսմը և դարձաւ դէպի ծառայի դուռը,—
Մուքօ, խրկիր էդ վայրահաչին, մեր քնելու ժամանակն է:

—Տէր, դու կը տեսնաս,—մրմնջաց խեղճուկ կինը և, թքե-
լով նրա դռան ճակատին, շշմածի նման արտասուք թափելով վե-
րադարձաւ տուն, ուր որդին վաղուց էր փակել իր աչքերը:

Որպիսի՜ տարբերութիւն, ընթերցող, Վահէի և Վռամի
մէջ: Դրականապէս փոխում է, արդեօք, կրթութիւնը մարդու
ներքին աշխարհը, և եթէ հա, ինչո՞վ բացատրել այդ սարի պէս
հակասութիւնը: Մէկը ամեն ինչ թողած՝ նուիրուել է թշուառնե-
րի, հայրենիքի կարիքներին, իսկ միւսը դրա կատարեալ հակա-
պատկերն է կազմում:

X

Ձագ գիւղի եկեղեցու զանգակները զօղանջիւնով տարածում
էին ամեն տեղ իրանց մեղամաղձոտ ձայնը: Եկեղեցու մէջ մի
լուեկայն իրարանցում անցաւ՝ ամեն մէկը պատրաստուած էր
դուրս գալ, որովհետեւ պատարագը մերձենում էր վախճանին:
Պատարագիչ քահանան վայր իջաւ սեղանից և զիմեց դէպի նըն-
ջեցեալի դագաղը, որը համեստ արտաքինով աչքի էր ընկնում
այդ սրբավայրի արդ ու զարդի մէջ: Անհրաժեշտ մաղթանքների
և աղօթքների ընթերցումից յետոյ, սկսուեց յուզարկաւորութեան
հանդէսը: Դիւղական համայնքին յատուկ ողբ ու կսկծի, լաց ու
հառաչանքի ձայներ չէին լսուում: Միայն խղճուկ Եղիսն էր նըն-
ջեցեալի գլխի վերեւ իր որդու հետ կանգնած և լուռ ու մունջ
թափում էր արտասուքի կաթիլներ, որոնք շատերի նման նոյն
իսկ աննշմարելի էին մնում և նրա շրթունքների դողդոջուն շար-
ժումները, երբ նա անհուն գոհունակութիւն էր մրմնջում Վերին-
Նախախնամութեանը, որ քրոջը արժանացրել է պատարագի հան-
դիսագարդ թաղմանը: Դարերի ընթացքում մի սրբագործուած
աւանդ է անցել սերնդէ սերունդ, այն է՝ ճիգեր թափել խափա-
նելու այն ամեն խոչնդոտները, որոնք կարող են տեղի ունենալ
թաղման ժամանակը, և ննջեցեալին արժանացնել ժամ ու պա-
տարագի հրաշագարդ զօրութեանը: Մոռանալ դարաւոր աւանդը

քարձր է իւրաքանչիւր հայի էութիւնից: Ոչ մի ժամանակ բազմութիւնը այնպէս չէ խոնւում եկեղեցում, ինչպէս պատարագի արարողութեան ժամանակ: Ոչ մի ծիսակատարութիւն այնքան հոգեկան հրճուանք, սէր ու սփոփանք չէ առաջ բերում հայ-մարդու ներքին աշխարհում, որքան պատարագի գերագոյն խորհորդները: Ո՛րքան խորագոյն արմատներ է գցում մարդու սրտում, ջղաձգական ցնցումներ առաջացնում նրա հոգեկան աշխարհում եկեղեցու բնից լսուած իւրաքանչիւր խորհրդի վեհապանծ ձայնը «ի յարկի քում սրբութեան...» կամ նրա մեկամաղձոտ մեղեդիների թախծալի ելեջները, որոնք արցունքների հեղեղներ են քամում նոյնիսկ քարասիրտների աչքերից: Այդ մեղեդիները իրանց յատուկ քաղցրութեամբ խորտակում են փականքներով գոցած կապանքները և լաց անում նրանց խորհրդաւոր դռները, որտեղից կեանքը իր սոսկութեամբ, իր անմեղ մերկութեամբ երևան է գալիս և զգում հս քո ինչ լինելը: Դու այդ կեանքի բիւրաւոր մասնիկներից մէկն ես: Այո, այդ մեղեդիները խորտակում են իւրաքանչիւր քարացած զգացմունքի դռներ և դուրս են հանում այնտեղից զգացմունքի այնպիսի նմուշներ, որպիսին առանց նրանց թերեւս յաւիտեան մրափէր սրտի խորքերում և երբէք երևան չը գար: Եւ այդ մեղեդիները կապուած պատարագի, այդ գերագոյն խորհրդի, հետ յարատե սիրելի են եղել և են իրանց հարադատ սրտերի համար, որոնք իրանց նուիրական վայրկեանները յաւէժ նրանցով են անմահացրել: Այսպէս է միշտ երաժշտութիւնը, այսպէս է նրա քաղցր երգեցողութիւնը: Դպիրների զգեստաւորուած խումբը առաջ անցաւ, թնդացնելով օդը իր մեկամաղձոտ ձայնով՝ «Աշխարհ ամենայն, առ իս նայեցեալ...» որը եկեղեցու դռնից արձագանք առած թռչում էր հեռո՛ւ, շատ հեռո՛ւ: Բաղմութիւնը դուրս էր բերում ննջեցեալին՝ սկսւում էր յուղարկաւորութեան հանդէսը՝ դէպի գիւղական գերեզմանատունը, գիւղից փոքր ինչ հեռու:

Ննջեցեալը Վահէի մայրն էր: Բացի քոյր Եղիսից ոչ ոք չը կար. դա անտէր մեռել էր, առանց ազգական-քարեկամի:

Հանդիսականները կանգնեցին մի նորափոր գերեզմանի եզերքին և քահանան սկսեց թաղման կարգը կատարել: Լսուեց քահանայի բարձրաձայն մաղթանքը՝ «հող էիր և ի հող դարձցիս»... և բաղմութիւնը թիւիրով մօտ եկաւ յաւիտեան ջնջելու ննջեցեալի գոյութիւնը երկրի երեսից:

Մինչ այդ, գերեզմանոցի հակառակ կողմից փոթորկի նման արշաւում էին մի խումբ ձիաւորներ, որոնք, ինչպէս ապացուցում էր նրանց ձիերի բերանների փրփուրը և մարմինների

քափ ու քրտինքը, կարելոյն չափ փութացել էին ժամ առաջ այդտեղ հասնել: Նրանք բոլորն էլ մի ահաբեկող սարսուռ էին տարածում իրանց շուրջը: Բոլորն էլ ոտից գլուխ սպառազինուած էին և լուռ ու մունջ զգուշութեամբ շարունակում էին իրանց ճանապարհը: Դրանց մէջ աչքի էր ընկնում մի թխադէմ ձիաւոր, թէ անվիհերութեամբ թէ մռայլ կերպարանքով: Դա խմբի գլխաւորն էր: Նրա կողքին մի ոսկեգոյն նժոյգի վրայ բազմած՝ ընթանում էր նրա ընկերը, որը նոյնպէս հեղինակաւոր տեղ էր բռնում ասպախմբի մէջ: Տխրութեան, ներքին վշտի քայքայիչ խոցերը ժամանակից առաջ էին ակօսել նրա դէմքը իրանց թախծալի հետքերով: Նրանք հասան գերեզմանոցին և փոքր ինչ հեռու վայր եկան ձիերից. նրանցից մի քանիսը ուղղեցին իրանց քայլերը դէպի երեւոյող բազմութիւնը: «Հող էիր... կրկնեց քահանան, և բազմութիւնը շուռ եկաւ դէպի աղօթարան, իսկ նրանցից մի քանիսը վերցրին թիերը, մի բոպէ ևս... ննջեցեալը ծածկուած կը լինէր հողի կոյտերով, բայց այդ ժամին ոսկեգոյն նժոյգի վրայ եղած երիտասարդը լեղապատառ ճշոցով վրայ վազեց:

—Մայր, մայր իմ, որքան անբաղդ էի... այդ ուր առանց ինձ... տնր, տնր, սիրելի մայր իմ, ինձ էլ տալ այս աշխարհից... սև ու մութ է իմ օրը, մեռած է իմ սիրտը... դու էիր միակ սփոփանքս, սակայն դու էլ գերեզման ես գնում... ո՛հ, դարձեալ գերեզման...

Վերջին բառերը արտասանելիս նա թուլացած ընկաւ մօր դիակի վրայ, երկու ձեռքով գրկելով նրա սառնադոյն երեսը և ծածկելով անթիւ ու անհամար սրտառուչ համբոյրներով: Քահանան, բազմութիւնը մնացին շուտաւ. նրանք տեսնում էին զըժբաղդ Վահէին, որը աճապարել էր վերջին հրաժեշտը տալու իր թշուառ մօրը: Տեսարանը ցնցող էր: Բոլորն էլ լուռ էին: Տարիներով կորած, մեռած և սպանուած համարուած որդին յայտնուել էր անտէր չը թողնելու մօր դիակը:

Վերջապէս, ամենից շուտ սթափուեց ասպախմբի գլխաւորը: Դա Արթօն էր, որը բարձրացնելով թուլացած Վահէին, առաջարկեց քահանային շարունակել ընդհատուած մաղթանքը: Դիակը շուտով կորաւ հողակոյտերի տակ: Քահանան սկսեց կնքել գերեզմանը: Յանկարծ բազմութեան գլխավերեկից սուլեց հրացանի զնդակի վզոցը, որը կրկնուեց մի քանի անգամ, և այս ու այն կողմից որոտացին հրացաններ: Արթօն ուշքի եկաւ: Ուշքի եկաւ և Վահէն: Իրանցից ոչ հեռու տեսան Վռամին շրջապատուած մի քանի պաշտօնակատար ձիաւորներով, որոնք նրա առաջնորդու-

թեամբ փութացիլ էին ձերբակալելու այդ յանդուգն շրջմովիկներին՝ Արթուրին և Վահէին:

Արթուրի և Վահէի դրութիւնը օրհասական էր: Նրանք հրա-
յաններ չէին վերցրել իրանց հետ, այլ թողել էին ընկերների և
ձիերի մօտ: Սակայն անձնատուր լինել նրանք չէին էլ մտա-
ծում, ուստի հանեցին ատրճանակները և առաջարկեցին բազմու-
թեանը ճանապարհ բաց անել: Բայց պաշտօնականաբար ձիաւորնե-
րը ամեն տեղ կտրոււմ էին նրանց ճանապարհը: Յանկարծ գերեզ-
մանոցի միւս կողմից սլացան մի խումբ ձիաւորներ, որոնց ա-
ռաջնորդում էր մի գիղեցկատեսիլ պատանի, կայծակի արագու-
թեամբ ճեղքեցին ամբոխը և մի ձի, որից կախուած էին նրա
տիրոջ գէնքերը, ետևից քաշելով, անցաւ դէպի Արթոն: Դա Սալվին
էր, որին, նոյնպէս մի ձի քաշելով, հետևում էր Թորոս-բիճան:
Խմբի միւս ընկերները բաց արին իրանց հրացանները և թըն-
դացրին շրջակայքը: Ամբոխը խոնուեց, մի իրարանցում անցաւ
նրա մէջ, որի խառնաշփոթութեան ժամանակը Վահէն և Արթոն
ցատկեցին ձիերի վրայ և դուրս թռան բազմութեան շարքերից:
Սալվին և Թորոս-բիճան հետևում էին նրանց: Յանկարծ լսուեց
մի ճիչ և Թորոս-բիճան թիկունքից վիրաւորուելով վայր գլորուեց
ձիու վրայից: Փոքր ինչ հեռանալով, Արթոն մի ակնթարթում
կարգի բերեց իր ցաք ու ցրիւ եղած ընկերներին և հրամայեց
դիմադրութիւն ցոյց տալ: Սկսուեց կատաղի կռիւ: Բազմութեան
կողմից ընկան և վիրաւորուեցին մի քանի մարդիկ: Սակայն,
երբ կռիւը սուր կերպարանք ստացաւ, Վասմը ծլկուեց կռուողնե-
րի միջից: Հետզհետէ Արթոն սկսեց հեռանալ, թողնելով այդ տեղ
թշուառ Թորոս-բիճայի արիւնշաղաղ դիակը իր միւս երկու ըն-
կերների գիակներին հետ:

XI

Երեկոյ էր: Անթափանցելի մթնշաղ խաւարը իշխում
էր Խասթուրի փողոցներում, ուր անցուդարձը վաղուց էր դա-
դարել: Լացի ու վախի օրեր էին: Դեռ արեւը չը մտած՝ սարսա-
փահար գեղջուկը ամուր փականքներով կողպում էր դուռը և իր
գլուխը կորացած՝ կծկւում էր թոնրի կողքին և անձնա-
տուր լինում հաղար ու մի ծանրաշունչ խոհերի: Վաղուայ օրուայ
մասին խոկալ նա ընդմիշտ մոռացել էր: Այդ դրականապէս կա-
խուած էր այն հանգամանքներից թէ՛ ինչպէս է լուսանում օրը,
ինչպէս է գալիս առաւօտը և ինչ է բերում նա իր հետ—ուրա-
խութիւն, տրտմութիւն, հալածանք, թէ՛ անդորր կենցաղ,
սուր-թուր իր կրօքին, թէ՛ հանգիստ դաշտային աշխատանք:

Սաւարը հետզհետէ թանձրանում էր: Գեղջուկի մրմունջները մերթափի խանգարում էին տիրող լուռութիւնը: Այդ ժամին գիւղի ծայրի խրճիթներից մէկում նահապետական պարզ ու անշուք սփռոցի շուրջը շարուել էին մի քանի տասնեակ մարդիկ: Խորովածի անուշահոտ բուրմունքով ծփում էր այդ միջավայրը: Գինով լի բաժակը արագ-արագ անցնում էր ձեռքէ ձեռք և մի ինքնուրոյն ախորժակով դատարկւում և վերստին լցւում: Ընթրողները ոտքից գլուխ սպառազինուած էին և քաղցի ազդեցութեան ներքոյ գայլի ագահութեամբ ուտում էին և ժամանակ չէին գտնում զրոյց անելու: Մի քանի բոպէ տեսեց այդ դրութիւնը: Վերջապէս, նստողներից մէկը, որի նազելի և քնքոյշ ձայնի շեշտերը աւելի քան մարդկային գեղեցիկ սեռին է վերապահուած, ընդհատեց լուռութիւնը:

—Արթօ, վաղ առաւօտեան ռը կողմի վրայ պիտի շեղենք մեր ճանապարհը,—հարցրեց գեղեցկատեսիլ երիտասարդը, որի իւրաքանչիւր շարժումը, իւրաքանչիւր հայեացքը դէպի իր խօսակիցը գուրկ չէին առանձնակի գուրգուրանքից:

—Սալվի, ի՞նչու ես այս վերջերս միշտ հետաքրքրւում մեր ուր գնալու և ի՞նչ անելու մասին: Չէ՞ որ, ուր որ գնանք, դու էլ մեզ հետ ես, էլ ի՞նչ անհանգիստ լինելու առիթ կարող է տեղի ունենալ,—պատասխանեց Արթօն, որի ապառաժ սըրտում մի արտասովոր յիշափոխութիւն էր առաջ եկել, ուր միառանձին տեղ ունէր բռնած և Սալվին:

Նրանք սիրում էին միմեանց այն օրից, երբ Արթօն փրկել էր նրան քրդերի ճանկերից:

—Հէնց էնպէս, միտս եկաւ, հարցրեցի,—պատասխանեց Սալվին:

—Վաղը կաշխատենք Քօսա-դաղ լիւրան լաւ դիրքեր բռնել, ասում են, նրա մօտով քրդերը դարձեալ պիտի արշաւեն այս կողմերը: Տեսնենք, կը յաջողուի մեզ հանդիպել նրանց և մի լաւ հարսանիք բռնել:

—Արթօ, լաւ տեղ ես ընտրել,—մէջ մտաւ Վահէն,—ուստի ես չեմ կարող այս բաժակը դատարկել առանց յարատեւութիւն մաղթելու այդ լիւններին:

—Առաջարկիր, առաջարկիր, Վահէ, ռվ է քեզ արգելում,—միաբերան կրկնեցին ընթրողները:

Երիտասարդը, խոր հոգոց քաշելով, վերցրեց բաժակը և ոգևորութեան խոհերով լցուած՝ կրակոտ և սուր ձայնով թընդացրեց միջավայրը:

—Վշտի և խռովայոյզ մրմունջների ընկերներ, շատ անգամ

են մեզ իրանց թեքերի տակ առել հայրենի սարերը, հայրենի ձորերը, շատ անգամ են նրանց սուր-սուր գագաթները և անյատակ խորխորատները իրանց քար ու թփով ներկուել մեր նախնիքների արիւնով, և յաճախ ականատես եղիլ իրանց զաւակների հերոսական մահուան. և որովհետեւ վաղ առաւօտեան մենք ապաստան ենք գտնելու այդ սարերից մէկի գագաթին, այդ պատճառով էլ ես այս բաժակը առաջարկում եմ նրանց յարատեւութեան, որ նրանք միշտ կենդանի վկաներ մնան իրանց թշուառ զաւակների անձնուիրութեանը: Այո, այդ լեռներից իւրաքանչիւրը իր դրախտանման հովիտների հետ միասին իր կրծքում անթիւ ու անհամար ապացոյցներ ունի մերայիների մասին, որոնք ապագայ մարդկութեան համար հատորների աղբիւրների կը ծառայեն: Այո, թող ապրեն այդ լեռները, թող նրանց ալեւոր գլուխները յաւէժ ցցուած մնան տիեզերքի ահող աթոռի առաջ, որտեղից դիւրին է նրանց համար մեր դարեւոր բողոքը, մեր դարեւոր խոցերը երևան հանել: Թող նրանց գագաթներին ընկած անթիւ գոհերի անմեղ արեան ձեններոցը բարձրանայ դէպի անհուն եթերը՝ նրա գութն ու ողորմութիւնը շարժելու:

Նրա ձայնը ընդհատեցին մարդկանց ճիչ ու աղաղակներ: Նստողները ոտքի թռան և խրճթի ներքնայատակ գաղտնի անցքով հեռացան դէպի մօտակայ ձորակը, ուր նրանց ձիերը արածում էին: Վայրկենաբար բազմեցին ձիան վրայ և մտան գիւղը, ուր մարդկանց աղեխարշ լաց ու կոծը, սուգ ու շիւանք դրդեցնում էին շրջակայքը:

Խասթուրը թալանի էր մատնուած:

Դրսից եկած այդ խմբի հրացանների որոտմունքը ուշքի բերին քրդերին, որոնք սկսեցին կատաղի դիմադրութիւն ցոյց տալ անյայտ եկողներին:

Արթօն կուում էր հերոսաբար և կայծակի արագութեամբ այս ու այն անկիւնն էր թռչում ղեկավարիւմ իր ընկերներին: Հեծկտացող բազմութիւնը նոր զգաց՝ թէ ինչ է կատարւում իր շուրջը և սկսեց ձեռքից եկած օգնութիւնը չը խնայել անծանօթ փրկիչներին: Սակայն մի ուժեղ հարուած գետին տապալեց Արթօնին: Դեռ Արթօն չէր ըմբռնել թէ ինչ պատահեց իր հետ, նրա գլխի վերեւ ցցուեց մի աժդահայ քուրդ, որը մերկացրած սուրը ձեռին՝ պատրաստուում էր կրկնելու հարուածը: Մի բռնակ ևս... և Արթօն յաւիտեան կորած էր... Բայց յանկարծ մի անսպասելի ձեռք իր շրջուցիչ սրով պտտուեց օդի մէջ և անշեղ հարուածը կտրեց քրդի ձեռքը: Շուարած քուրդը մինչ ձգտում էր ըմբռնել թէ ով էր հարուածողը, յաջող հա-

րուածը կրկնուեց, այս անգամ արդէն գազանացած քուրդը գետին գլորուեց: Արթօն ոտքի թռաւ և իր հօր քաղուկներով գրկեց իր փրկողին և հրացանների որոտումների և գնդակների տարափի ներքոյ ծածկեց նրա այտերը սիրաշունչ համբոյրներով: Սիրահար զոյգերը կռուի այդ տագնապալի պահուն երջանիկ էին իրանց համարում: Նրանք մոռացութեան էին տուել իրանց շրջապատը:

Դրանք Արթօն և Սալվին էին:

Մինչ սրանք ընկղմուած էին ինքնամոռացութեան մէջ, մօտակայ դէզի ետեից որոտաց հրացանը, որի հետ միաժամանակ լսուեց Սալվիի աղիողորմ ձիչը: Դարանակալ քրդի գնդակը անշեղ էր. նա անցել էր թշուառ Սալվիի կրծքովը: Արթօն շանթահար գազանի նման այլայլուեց և վայրկենաբար իր զոհի հետ դուրս թռաւ կռուի ասպարէզից:

Անցաւ մի շաբաթ: Քօսա-դաղ լեռան լանջերում անվրդով արածում էին մի խումբ ձիեր: Լեռան գագաթին փորուած երեւում էր մի թարմ գուռ, որը գերեզմանի էր նմանում: Լիռնալանջերի քարայրների մէկից դուրս եկած մի խումբ մարդիկ, սև թախիծով լցուած՝ ուղղեցին իրանց քայլերը դէպի նորափոր գերեզմանը: Նրանցից մի քանիսը տանում էին իրանց հետ մի մատաղահաս աղջկայ դիակ: Դա վաղամեռիկ Սալվին էր: Կանգնեցին գերեզմանի եզերքին և նրանցից մէկը՝ արտասոււթոր աչքերով գրկելով դիակը, դրեց նրան գրի մէջ, ապա, արձակելով վրայից իր դաշոյնը և ատրճանակը, դրեց նրանց հանգուցեալի ձեռքերում, կրկնելով.

—Քեզ, իմ վաղամեռիկ Սալվի, այս կուսական բարձրագագաթ լեռան կատարին եմ հանգիստ տալիս այս գէնքերովը, որոնք թող վկայ լինին, որ մենք, նոյնպէս և դու, հայ կինդ, գէնքերի մէջ ենք գտել մեր փրկութիւնը և նրանցով ենք պաշտպանել մեր հայրենիքի պատիւը...

Նրա սիրելիի չքնաղ երեսը կորաւ հողերի կոյտերի տակ:

Ապա բոլորը միասին, բաղմեղով ձիերի վրայ, հեռացան այդ տեղից: Ընկերները, նկատելով Արթօյի խորին տրտմութիւնը, սկսեցին իրանց քաղցրահնչիւն երգերով փարատել նրա վիշտը.

Մի տրտնջիւր, դու սիրուն կոյս,

Ա՛ռ գէնքերդ, տո՛ւր խրախոյս,

Ջարդել քրդին ունինք մենք յոյս,

Մի վհատիւր, տուր խրախոյս...

Այսպէս էին երգում Արթօյին ուրախացնելու համար:

Բայց կա՞յ ուրախութիւն սիրագուրկ սրտի համար:

ԽԱՆԶԱԴԻ

ԺՈՂՈՎՐԴԻ ՄԷՋ¹⁾

ԲՕՁԵԳԵՐԻ

Քսանեւոյնքոսերորդ կիրակի

Այն երիտասարդը, որին արդէն նկարողը եւ քեզ «Վա-
րադ» անունով, մի քար զցեց Ադամի հօտի մէջ: Սա մի
տեսակ զուարեութիւն է հոգեզալստեան տօնի օրը և անպի-
տանին յաջողուեց վիրաւորել ժառանգ սպասող մի ոչխարի:
Ես բռնեցի նրան և լաւ քոթկեցի: Այժմ ուզում է դանդա-
տուել ինձանից:

Բոխերը, որպէս ցաւի ընկեր, առանձնապէս խղճում էր
նրան և ուզում էր նրա համար փարախի մի անկիւնում թարմ
խոտից տեղ պատրաստել, բայց եկաւ քոյրը և թախանձեց ոչ-
խարը իրեն սալ: Բոխերը ցնծութեան մէջ էր, որ Բարբէլը
որևէ ցանկութիւն է արտայայտում և անմիջապէս ոչխարը
տուեց նրան: Աղջիկը ծանր կենդանին վերցրեց զոգնոյի
մէջ և տարաւ իր սենեակը: Այնտեղ նա ոչխարի վերքը լուաց
սոսք ջրով, կտրեց նրա շուրջի բուրդը, ձէթի սպեղանի կապեց
վրան և դրեց կողովի մէջ մաքուր դարմանի վրայ: Սկզբում ոչ-
խարը ողորմելի կերպով բառաչում էր, բայց յետոյ հանգստա-
ցաւ և երախտադիտութեամբ նայում էր բարերարուհուն, որը
սոսք կաթ և թարմ արւոյտ էր տալիս իրեն: Ամենա էլ պատ-
րաստ էինք վերքը կապելիս օգնելու, բայց Բարբէլը ամենն էլ
ինքն էր անում: Մինչ այդ, ես դիտում էի նրա բնակարանը.
մաքրութեամբ փայլող շորի պահարան, փոքրիկ զրասեղան,
ջահրա, պատուհանի վրայ ծաղիկներ: Յիշո՞ւմ ես Գրետխենի
սենեակը: Երկնքի հետ մաքառող բազմաթիւ ֆառասաններ է ու-
ղարկել Միֆիստոֆելը այնտեղ: Բայց դա միայն գեղեցիկ խօս-

1) Լուծայ 1909 № 7—8

քի համար է. այս դէպքում բոլորովին այլ է: Երբ ոչխարը նորից անհանգիստ եղաւ, նա քնքշաբար, ինչպէս երեխային, ասաց. «Դարձե՛ալ ցաւում է, հա՛» և սկսեց լրջութեամբ օրօրել զամբիւղը:

— Ինչի՞ նա էլ դէթ մի անգամ չի ծիծաղում, ասաց օջաղի մօտ կանգնած մայրը:— Ախր ոչինչ չի փոխուել. ի՞նչն է խանգարում նրա ուրախութիւնը:

Եկաւ պառաւ Մարենցելը, որին հրաւիրեցին մեծ սենեակը, որովհետեւ շան հաչոցը վախեցնում էր ոչխարին: Լսելով մօր բացականչութիւնը թէ Բարբելը երբէք չի ծիծաղում, ասաց.

— Տեսէք, եղունգների վրայ սպիտակ նշաններ չունի՞ արդե՞օք: Եթէ նշանները աչ ձեռքի վրայ են, երշանկութիւն է սպասում նրան. եթէ ծախ—դժբաղտութիւն, իսկ եթէ նշանը չորրորդ մատին է, կ'նշանակէ փայծաղն է ցաւում, իսկ այդպիսի դէպքերում մարդը չի կարող ծիծաղել:

Անմիջապէս սկսեցինք դիտել մեր մատները և վաղանի կերպով էլ Բարբելին: Ձախ ձեռքին ոչինչ չունի, միայն շատ գեղեցիկ է, աչ ձեռքի եղունգների վրայ կան մի քանի սպիտակ նշաններ: Մայրը խորհրդաւոր կերպով նայեց հօրը: Ուրեմն երշանկութիւն և ոչ մի հիւանդութիւն:

Հապա ինչո՞ւ չէ ծիծաղում:

Առաւօտեան դէմ Փրանցելը լսել էր Բարբելի աղաղակը: Տեսանք որ հիւանդ ոչխարը գիշերով մի սև գառնուկ էր աշխարհ բերել: Ոչխարը լիզում էր նրան, իսկ Բարբելը կանգնել էր մօտը և արտասովոր կերպով նայում:

Աղածը շշնջաց կնոջը՝— լու եղաւ, կուրախանայ: Այժմ կայ մէկը, որին կարող է սիրել:

Բարբելը սկսեց խնամել թաւալուող փոքրիկ կենդանուն. ոչ ոք չէր համարժակում մտնել նրա սենեակը: Միայն ճաշից յետոյ Ռոխերին յաշողուեց մտնել նրա մօտ: Նա թղթի մէջ փաթաթած կարմիր ժապաւէն էր տանում գոռան վզից կապելու համար:

— Դու սրան մի մեծ բան ես կարծում, ասաց Բարբելը, իսկ ժապաւէնը, որ զնել ես, քեզ համար պահիր:

— Ես չեմ առել. Կուլմբոկի աղջիկը ընծայեց ինձ:

— Ի՞նչպէս ես նուէրները ուրիշներին տալիս, ասաց աղջիկը շոյելով նրա գլուխը. — Ընծաները չի կարելի ուրիշներին նուիրել:

Տղան վիրաւորուած երեսը դարձրեց նրանից:

— Ինծանից ոչինչ չես վերցնում, իսկ ամեն պատահողից պատրաստ ես ամեն բան ստանալ:

— Ամեն պատահողից, ի՞նչ ես ուզում ասել, Բոխերլ:

Աղջիկը շրթունքը կծեց և աչքերը փակեց, կարծես սուր ցաւ գրաւով:

— Երեխայ ես, Բոխերլ, ասաց նա քնքշութեամբ — այլևս երբեք այդպէս չ'իօօսես: Ամեն պատահողից, միայն մէկին կարելի է սիրել:

— Ինչո՞ւ այլևս ինձ չես սիրում, բացականչեց աղան:

— Անմիտ, չէ՞ որ դու իմ սիրելի եղբայրն ես:

Տղան զրկեց նրան, ուժգին համբուրեց և դուրս գնաց:

Բոխերլը օրէց օր նկատելի կերպով դունատւում է և ինչ որ տարօրինակ արտայայտութեամբ նայում: Նրա հալեացքը ինձ լաւ չէ թւում: Աչքերը քամուց հալածուող կայծի նման են թռչկոտում:

Իմ կենցաղս, փառք Արարչին, առայժմ վատ չէ: Աշխատանքները այժմ պակասել են: Ճերկելը վերջացաւ, մարդագետիները մաքրած են և սանրած, երբեմն պէտք է լինում թափառել անտառում և վառելու համար նոր ցախ ժողովել: Այնուհետև հունձի համար պատրաստութիւններ են տեսնում. սրում են մանգաղները, եղանները և փոցիները ամրացնում, կառասալների ափները տեղերը դարսւում: Փորում ենք բանջարանոցի հողը և կաղամբ ցանում: Պահապանի տեղ կանդնեցրած է խրաուխակը, որը ես գեղեցիկ կերպով շինեցի Բոխերլի հին անդրափարտիքից, Աղամի քայքայուած վերնազգեստից և գլխարկից, փայտից ու յարդից... Թէպէտ և ծեր նապաստակները չեն վախենում զրանից, այլ նոյնիսկ ամառը նրաստուերի տակ կաղամբ են կրծում: Մեր ծողէ ոստիկանից փախչում են միայն փոքրիկ, անփորձ նապաստակները:

Որովհետև այս գեղեցիկ գիշերներին մարդու քուեր միշտ չէ տանում, երբեմն ես էլ եմ խրտուիլակի դեր կատարում: Բանջարանոցի կողքին ծաղկում է կեռասենին, նրա տալն եմ նստում գիշերները և զմայլում: Ուրբաթ օրն էլ նստած էի սովորական տեղս: Տաք էր, երկինքը պատած էր ամպերով, սուրի դադաթներին փալատակում էր կայծակը: Խորթում ամենքը քնած էին. ամենայն տեղ լուռ էր. դադարել էին նոյնիսկ կովերի զանգակների զնդնգոցները փարախում: Ոչ մի լուսատունիկ, միայն փալակներն էին լուսաւորում ամեն կողմից: Կամացուկ մի փոքր անցայ, ականջ դնելով զոնէ հեռուից որևէ ձայն լսելու յուսով, ոչ մի ծպտուն: Խորին լուռութիւն էր սիրում: Նորից մօտեցայ խորթին մտածելով՝ հանդիսա կաց, մարդկային սիրա: Նկատեցի որ անկիւնում ով որ կանգնած էր աղջկայ պատուհանի մօտ: Պատուհանը բաց էր: Սենեակում մէկը լալիս էր, դառնադին ողբում, մօտը կանգնած մարդը ինչ որ ասում էր, որ ես չէի կարողանում հասկանալ. ըստ երևոյթին ուղում էր մխիթարել նրան: Ուսուցիչն էր նա:

— Մի՞թէ այժմ կարող ես դարձեալ սիրել ինձ. ասում էր աղջիկը:

— Խնդրում եմ, մեղաւոր մի համարի քեզ: Այդ բոլորը թող ինձ. ես քեզ չեմ ծղի:

Սենեակում հեկեկանքը շարունակում էր:

— Խեղճ հայր, խեղճ հայր:

Ուսուցիչը դարձեալ կամաց խօսում էր և հանգստացնում նրան. նրա ծայրը յուղմունքից դողում էր, իսկ աղջիկը շարունակում էր լալ:

— Վաղ պէտք է ասէիր ինձ. ասում էր ուսուցիչը:

— Ես սպասում էի, որ Սատուած մահ կուղարկի ինձ. ես աղերսում էի նրանից այդ...

Այստեղ արդէն ես քաշուեցի իմ խուցը: Ի՞նչ ասաց ինձ ուսուցիչը զրօսանքի ժամանակ: Մի՞թէ... ոչ: Չեմ կարող մտածել ամենափառ բանի մասին, չեմ կարող անել այդ ծերունու պատճառով: Չէ՞ որ նա հիւանդ է, վատ կ'լինի նրա բանը— ահա ինչի մասին է խօսում նա ուսուցչի հետ:

Պառկեցի չարդիս վրայ, բայց մի անգամ էլ վեր կացայ և դուրս ելայ: Ամեն ինչ լուռ էր: Պատուհանի մօտ ոչ որ չկար:

Երբ կրկին պառկեցի, մի բան անցաւ մտքովս. չէ՞ որ պատուհանը առանց վանդակի էր:

ՄԱՏԵՆԱԽՕՍԱԿԱՆ

Ճարտղոյի ՏԵՁԵՑ 1709—1909

(Վրացերէն տպարան Զ. Ժիճինսաճէի 1709—1909), Թիֆլիս
1909

Մեզ ուզարկած է վերոյիշեալ վերնագրով մի գրքոյկ, նուիրուած վրացերէն տառերի ու տպարանի պատմութեան: Հէզինալը, վրացերէն ժողովրդական դանազան բրօշիւրներէ հրատարակիչ, կամեցել է սոսլ գլխաւորապէս վրաց տպարաններէ ժամանակագրական համառօտ պատմութիւնը, բայց և տեղ տեղ աւելցորել է էջմիածնում և Թիֆլիսում զանազան ժամանակ բացուած հայ տպարաններէ մասին խիստ կցկտուր և ըստ մեծի մասին անճիշտ տեղեկութիւններ:

Հայ տպարաններէ մասին պ. Ժիճինսաճէի գրածներէց ամենախոշոր սխալն այն է, որ Սիմէոն կաթողիկոսի 1767 թուին էջմիածնում բացած հայ տպարանը անուանում է «առաջին հայ տպարանը», զուցէ պարոնը ցանկացել է ասել, որ նա առաջին հայ տպարանն էր Կովկասում՝ կամ Հայաստանում, քանի որ հայ տպարաններէ պատմութիւնը յետագարծ ընթացքով հասնում է մինչև 1512 թուականը, և թերեւս աւելի էլ վաղ, որ յայտնի չէ եղել վրացի բանասէրին:

Այնուհետև գրքոյկի մէջ մտնում են անթիւ սխալներ. օրինակ՝ յայտնի է, որ Վենետիկի Մխիթարեան միաբանութիւնը ունի հրատարակութիւններ ոչ միայն հայերէն լեզուով, այլ և ուրիշ շատ լեզուներով, մինչև իսկ Նարեկացու յայտնի «Հաւատով խոստովանիմն» ու պատարագին ասուող «Որ օրհնես զայնոսիկ» հուշակաւոր աղօթքը տպած ունին 25 և 50 լեզուներով, այդ նոյն վենետիկցիք 1850-ական թուականներին մի քանի եկեղեցական գրքեր էլ տպեցին վրացերէն լեզուով գլխաւորապէս Ախալցխայի վրացախօս հայկաթուղիկների համար, բայց պ. Ժի-

ճինածէն մոլորութեան մէջ է ընկնում, ասելով թէ Վենետիկում 1850 թուին վրացի կաթողիկ եկեղեցականները անկախ սպարաւան բաց արին և վրացերէն գրքեր տպեցին:

Հեղինակը վրաց տպարան է անուանում այն բոլոր հայ տպարանները, ուր ի միջի այլոց ունեցել են վրացերէն տառեր և վրացերէն մի երկու գրքոյկ տպագրել: Այնպիսի հայ տպարաններ եղել են հարիւրաւոր, որոնց չէ կարելի ի հարկէ բուն վրաց տպարան անուանել:

Անհիմն տեղեկութիւններ է հաղորդում հեղինակը և վրացերէն լրագրի սկզբնաւորութեան մասին. չունենալով ձեռքի տակ հնագոյն վրացերէն լրագիրը և հաստատ էլ չգիտենալով նորա սկզբնաւորութեան ժամանակը՝ նա ասում է, թէ Հայազգի Տէր Դաւիթ Յովհաննիսեանը իւր ազգական Պօղոս Յովհաննիսեանի հետ միասին 1782 թուին սկսեցին վրացերէն գրքեր տպել, ի միջի այլոց տպեցին իրանց տպարանի պատմութիւնը. «այս զիրքը, գրում է ձիճինածէն, լրագրի կերպարանք է կրում». և ուրեմն հալած իւղի նման ընդունում է, որ նա է վրաց առաջին լրագիրը:

Մինչև անգամ հեղինակը չէ տեսել այդ հրատարակութիւնը և թոյլ է տալիս իրան ասէկօսէնների հիման վերայ ըստ կամս գունաւորումներ տալ պատմական գէպքերին. նա ասում է, հինաւորաց մարդկանցից լսել է, որ այդպիսի հրատարակութիւնը «լէպօրտի» (рапортъ, ժանուցում) վերնագիրն է եղել կրելիս: Պատմութիւնը ասէկօսէնների վրայ չէ կարող հիմնուել:

Թուականների մէջ աններելի սխալներ կան. օրինակ 1709 թուի փոխարէն 1909 է (եր. 4) և այլն. և առհասարակ 36 մանրատառ էջերից բաղկացած թուականներով և մանր տեղեկութիւններով լի այս գրքոյկը որքան էլ համակրելի մի ձեռնարկութիւն է և գովելի հեղինակի փոյթը այդ մասին, լիքն է պատմական և ժամանադրական սխալներով և չէ կարող գիտնական այն արժէքը ունենալ, ինչ որ ցանկալի էր:

ԱՄՍՈՒԱՅ ՏԵՍՈՒԹԻՒՆ

ՀԱՅՈՒԹԵԱՆ ԵՐԿՈՒ ՀԱՏՈՒԱԾՆԵՐԸ

Պ. Գ. Ե. «Լուսնայ»-ի № 7—8-ում «Իսկական պատճառները» խորագիր կրող մի յօդուածում աշխատում է ցոյց տալ, թէ արդեօք ինչո՞ւ ռուսահայերը չեն օգնում իրենց աղէտեալ եղբայր տաճկահայերին: Շատ գեղեցիկ ցանկութիւն՝ որոշել, ջոկել այն պատճառները, որոնք արգելք են լինում ռուսահայերին օգնութեան ձեռքը մեկնել տառապեալ մարդու: Այս ցանկութեամբ ղեկավարուելով և անաչառ դատելով կարելի էր որոշ եղբակացութիւն առաջ բերել վերջին ժամանակուայ պօլեմիկայի մասին, մի պօլեմիկայի, որը տեեց բաւական երկար, որը աւելի շատ բառեր կուտակեց մեր իրականութիւնը լուսարանելու շտեմարանում, քան եկաւ մի որոշ և դրական կարծիքի, որ հիմնուած լինէր ազգի անցեալի և ներկայի խոհեմ հասկացողութեան վրայ:

Յօդուածի առաջին մասի վերաբերմամբ մենք ոչինչ չունենք ասելու. մենք, ընդհակառակը, պնդում ենք, որ եթէ հայը ծառայէր ոչ անձի, այլ գործի իւր ամբողջ պատմութեան ընթացքում, հայերի վիճակը այժմ բոլորովին այլ կլինէր, եթէ ամեն մի հայ իւր ամբողջ կեանքի ընթացքում ջանար իւր ոյժերի չափ օգտակար լինել մի ընդհանուր գործի և իւր աշխատանքը միացնէր ընդհանուր շինարար գործունէութեան, մի կողմը թողնելով թէ անձնական հաշիւները և թէ սնափառութիւնն ու փառասիրութիւնը, այն ժամանակ հայկական կուլտուրան քսաներորդ դարու սկզբում բոլորովին այլ պատկեր կը ներկայացնէր և մենք չէինք նախանձի ո՞չ բուլղարացիներին, ոչ իտալացիներին, ոչ սերբիացիներին:

Բայց հայոց ազգը մի պատմական առեղծուած է: Հայկական իրականութիւնը չի համապատասխանում ոչ մի մեզ յայտնի սոցիալական օրէնքներին: Այստեղ ամեն ինչ հիմնուած է բոլորովին այլ սկզբունքի վրայ. այստեղ ազգ չկայ, այլ կան անհատներ, որոնք իրար հետ կապուած են միմիայն նորանով, որ մի եկեղեցու են պատկանում. եկեղեցում նրանք հայ են, դուրսը, ուր իսկական ազգային բարգաւաճման ասպարէզ է բացւում նրանց

առաջ, նրանք անջատ են, որովհետեւ... մեր ազգութիւնը քողարկուում է մեր մէջ գոյութիւն ունեցող աւելի ուժեղ կողմերով:

Նախ և առաջ հայը—վաճառական է և այդ զգալի է ամեն քայլափոխում. ներկայ դարում Սովետականներ, որոնք բացօդեայ քարոզելով պահպանէին որոշ գաղափարներ (ոչ գիտական-փիլիսոփայական ի հարկէ) անհնար է: Այժմ կուլտուրան պահանջում է մեծ մտաւոր-բարոյական աշխատանք և նաև մեծ դրամագլուխ. իրօք ռը ունենոր կամ հարուստ հայ մարդը ինքնայօժար օգնութեան ձեռք է պարզել տառապող ազգի: Ես չեմ դիմում մատենագրական տեղեկութիւններ, որոնց դիմում է պ. Գ. Ե. մինք չը գիտենք, ինչ շարժողիթներ են գոյութիւն ունեցել պատմական շրջաններում: Մենք առանց մատնացոյց անելու փաստերի վրայ, խիստ շօշափելի ամփոփումներով պիտի խօսենք ներկայի մասին:

Դժուար է մատնացոյց անել գէթ մի օրինակի, ուր նուիրատուութիւն կատարուած լինի առանց արտաքին ազդեցութեան, ինքնաբերաբար, իբրև նուիրաբերողի ներքին ձայն: Մինչև Շամախին չը քանդուեց, ոչոք ոչ մի կոպէկ չէր ուղարկում Շամախում կիսասոված կիսամերկ ման եկողներին. մինչև հայկական կոտորած չի սկսւում, ոչ ոք չի էլ մտածում գիւղացու վիճակի բարւոքման մասին, մինչև մի գրական դէմք չի մեռնում, երբ յայտնւում է, որ նա կամ կիսասովամահ է եղել կամ մի քանի գրօջ չունի իւր անձը թաղելու, ռը հայ մարդն է մտածում այդպիսի գործիչների վիճակը ապահովելու մասին: Իսկ երբ մէկը մեռնում է, անմիջապէս սկսւում է ծաղրելի յանձնաժողովների կազմակերպութիւնը, կարծում ենք այս այնպիսի ամփոփումներ են, որ ոչ մի անհատական փաստի վրայ մատնացոյց անելու անհրաժեշտութիւն չկայ:

Անցնենք միւս մասի. պ. Գ. Ե. ասում է թէ՛ ռուսահայերը տաճկահայերին տուել են «մի քանի միլիօն ռուբլի» և ապա աշխատում է ցոյց տալ թէ ինչպէս տաճկահայերը ոչ «մի կոպէկ» չեն ուղարկել մեզ, ռուսահայերիս: Այժմ, երբ ամբողջ քաղաքակիրթ աշխարհը ճիգ է թափում վերացնել գոյութիւն ունեցող ատելութիւնները մինչև անգամ երկու այլազգի և այլադաւան ցեղերի մէջ, մենք կարծում ենք պէտք է քարոզել կապը ամրացնել առանց այն էլ քաղաքապէս և տնտեսապէս քայքայուած հայոց ազգի երկու մեծ ճիւղերի մէջ: Ազգային բարգաւաճման ձգտող բոլոր խելամիտ անձանց առաջին իսկ նպատակը պիտի լինի վերացնել և ոչնչացնել Արդիւլ Համիդի և պատմական հանգամանքների ստեղծած այն մեծ վիհը, որը մինչև օսմանեան սահմանադրութեան

վերսկսուելը անմերձենալի անպունդ էր ստեղծում մի ազգի այդ երկու ճիւղերի մէջ: Այժմ, երբ հնարաւորութիւն կայ նախկին կապը վերսկսել, ամեն մարդու պարտականութիւնն է վերանորոգել և ազգային կեանքի կապը: Մենք պարտաւոր ենք հրաւիրել մեր ազգային նշանակութիւն ունեցող խնդիրները վճռելիս նաև տաճկահայերին: Մենք պիտի ստեղծենք մի ընդհանուր հայկական մարմին: Ուրիմք թողնենք անցեալի սխալները և առաջ ընթանանք նոր շաւղով ձեռք ձեռքի տուած տաճկահայի հետ. «ոյժը միութեան մէջ է». ահա այս դէվիզը պիտի կրի և մեր ազգային ընդհանուր դրոշակը:

Բայց մենք մի փոքր շեղուցիւնք և չասացինք թէ ինչու տաճկահայը չի օգնել ռուսահային:

Ասէք խնդրեմ, երբ տաճկահայ ընդհարումների ժամանակ, մի ականատեսի նկարագրութեամբ՝ բոցի ալիքները պատել էին երկիրքը և կարմիր բոցային արշալոյսը երկիրք էր բարձրացնում աղէտեալների ձայնը, իսկ ցածում գնդակների տզոցը ականջ էր խլացնում, երբ դիակները չէին հասցնում գետնում ամփոփել և զետն էին թափում, որը մարդկային արիւնով էր բուրում—այս վիճակի մէջ ամբողջ ռուսահայ հասարակութիւնը, որը ականատես անգամ չի եղած, այլ միմիայն լրագիրներով է գաղափար կազմել այդ աղէտների մասին, մի վայրկեան մտածել է օգնել որևէ մէկին և մանաւանդ տաճկահային, որը նոյն միջոցին հղի է նաև մի քանի տեղ նոյն վիճակի մէջ, պիտի ասեմ պ. Գ. Ն.-ի խօսքերով—«ի հարկէ ոչ»:

Այժմ երևակայէք, որ «վերջին քսան և հինգ տարուայ ընթացքում, երբ ռուսահայերը տուել են թիւրքահայերին մի քանի միլիօններ». այդ իսկ քսանհինգ տարուայ ընթացքում և գուցէ մի փոքր էլ աւելի ամբողջ տաճկահայաստանը հղի է Արդիւ Համիդի երկաթի ճիրանների տակ: Կրակ, բոց, գնդակ, աւեր և թալան չեն պակասել տաճկահայ ոչ աղքատի և ոչ հարուստի վրայից: Ասածներս բառեր չեն, այլ խիստ քաջ յայտնի իրական փաստեր: Ուրիմք այժմ հակադասէք վերևի պատկերի այս տողերը և կարծեմ այլևս անհրաժեշտութիւն չի լինի բացատրել թէ՛ ինչու տաճկահայերը մեղ ռուսահայերիս չեն օգնել: Այն ժամանակ, երբ Գօլիցինը իւր ոճրագործութիւնը կատարեց ռուսահայերի դէմ, միմիայն քաջ Օրմանեանն էր, որ յանդգնեց սուլթան Արդիւ Համիդի տէրութեան սահմանից բողոք ուղարկել: Ամբողջ տաճկահայութիւնը կարող է պատահել անկիւններում բողոքեց այդ ակոբի դէմ, բայց հրապարակի վրայ «խոնարհ ծառաներ» մնացին:

Ես մի կողմն եմ թողնում բնական տնտեսական բայթայումը, որին ենթակայ է տաճկահայը և որպիսի վիճակը բարւոքելու համար անհրաժեշտ է երկար, տոկոսն և արգելանաւէտ կուլտուրական աշխատանք:

Կարող է ուսահայը յոգնած լինիլ օգնելուց, բայց յանուն մարդասիրութեան նա պարտաւոր է շարունակել իւր եղբայրական օգնութիւնը, և պիտի օգնել ոչ թէ յանուն տաճկահայերի փրկութեան, այլ պէտք է օգնել յանուն տաճկահայերի և ուրեմն համայն հայերի բարգաւաճման, այդ բարգաւաճման մէջ է հայութեան ոյժը, և եթէ չէք ցանկանում, որ հայը իսպառ կորցնի իւր ֆիզիօնօմիան, պիտի աջակցէք փոխադարձ օգնութեան գործին: Մենք տանք ինչ ունենք, իսկ մեզ տան այն՝ ինչ մեզ պակասում է: Ուրեմն հեռու մեզանից ատելութեան գաղափարը:

Ա. Վ.

ՆԱՄԱԿ ՎԱՂԱՐՇԱՊԱՏԻՑ

Վեհ. Կաթողիկոսի օծման հանդիսին, ինչպէս յայտնի է արդէն, աշխարհիս ամեն կողմից հաւաքուել էր խուռն բաղմութիւն և զոցա հեա միասին բաղմութիւ պատգամաւորներ զանազան քաղաքներից և համայնքներից, ներկայացուցիչներ հոգևորականութեան, զպրօքների, բարեգործական և այլ ազգային բաղմատեսակ հաստատութեանց:

Պատգամաւորներից և ներկայացուցիչներից շատերի վերայ իրանց առաքողները պարտք էին դրել իրենց իղձերն ու ցանկութիւնները մատուցանել Վեհ. Հայրապետին և մասնակցել այն բոլոր խորհրդածութիւններին, որ տեղի կունենային Էջմիածնում Վեհ. Կաթողիկոսի հրամանով ազգային էական խնդիրների վերաբերութեամբ:

Այս հանգամանքից դրդուած պատգամաւորներից ոմանք զիմուսներ արին որոնց հարկն էր և խնդրեցին, որ բոլոր պատգամաւորները միասին ներկայանան Վեհ. Հայրապետին թէ շնորհաւորութիւններ մատուցանելու և թէ մասնակցելու պատգամաւորական խորհրդներին, որ լինելու էին վեհաբանում: Նոցա պատասխանեցին, որ այդ բանը տեղի կունենայ երկուշաբթի օրը:

Երկուշաբթի պատգամաւորները խմբուեցան վեհարանի առաջ և սպասում էին, որ իրանց հրաւիրեն ներկայանալու Վեհին և ժողովին մասնակցելու: Ժամերով հարկադրուելով մնալ դուրսը և տեսնելով, որ պատգամաւորներից ոմանք արդէն վեհարանում են և շուկներ լսելով, որ արդէն պատգամաւորական մասնաւոր խորհրդածութիւն տեղի ունի ծաղկեայ դահլիճում, պատգամաւորների խումբը մի քանիսին իրանցից ուղարկեցին վեհարան տեղեկանալու թէ որքան ստույգ է այս լուրը: Վեհարանում նոցա պատասխանեցին, թէ այնտեղ ժողովուած են միայն այն մի քանի պատգամաւորները, որոնք Կաթողիկոսի ընտրութեան ժամանակ պատգամաւոր են եղած և որոնց վերայ ընտրական ժողովը պարտք է դրել իրանց իլծերը գրաւոր ներկայացնել Կաթողիկոսին, այժմ նոքա վերամշակում են այդ գրաւոր մանդատը և ուրիշ ոչինչ:

Պատգամաւորները բաւարարուած էին արդէն և որոշել էին մեկնել վեհարանից, երբ ներսի ժողովականներից ոմանք դուրս դալով յայտնեցին պատգամաւորներին, թէ ներսը հաւաքուած են 30-ից աւելի պատգամաւորներ և մշակում են դաւադան խնդիրներ հայ եկեղեցու, զպրոցների և տնտեսութեան վերաբերեալ: Պարզուեց նաև, որ այդ ժողովը ոչ թէ ընտրական ժողովի մանդատներն է մշակում, այլ դա զուտ պատգամաւորական մի ժողովակ է, որին մասնակցողների ցուցակը կազմել են մի երկու պատգամաւորներ և ներկայացնելով Վեհին՝ առել են նորա համաձայնութիւնը: Ցուցակի մէջ մտցրել էին սինօդի անդամներին, առաջնորդներին և մօտ 25 — 30 աշխարհականներին, որոնց իրանք քարուք էին համարել և իրանց հաժախոհ: Աւելորդ էին համարել կանչել այն բոլոր պատգամաւորներին, որոնք իրանց ղիըքով աննշան էին համարուել, աւելորդ էին համարուել զպրոցների ներկայացուցիչներ, Ռուսաստանի պէս կորած հայերի ներկայացուցիչներ և առհասարակ բոլոր քահանաներ, թէպէտ և նոքա պատգամաւոր էին եկած ամբողջ քաղաքների հասարակութիւնների կողմից:

Եւ մենք ականատես եղանք վանքի բակում խռնուած պատ-

գամաւորների խիստ դժգոհութեան. նոցանից շատերը ցրուեցին և հեռացան Էջմիածնից շատ տխուր տպագրութեան տակ. իսկ մի մասը զնաց ճեմարան և ժողով կազմելով՝ որոշեցին զրաւոր յայտնել Վեհ. հայրապետին, որ այն ժողովի որոշումները, ուր ներկայ չեն ամբողջ թեմերի և հասարակութեան ներկայացուցիչներ, չեն կարող պարտաւորական լինել ամբողջ հայ ժողովրդի համար, և իրանց միջից ընտրելով մի մասնախումբ, նորա ձեռքով Վեհին ներկայացրին իրանց հետեւեալ որոշումը. —

Նորին վեհափառութեան

Ծայրագոյն Պատրիարք Կաթողիկոսի Ամենայն հայոց Տ. Տ. ՄԱՏԹԷՈՍ Բ.-ի

Ձանազան թեմերի հայ ազգաբնակչութեանց և հաստատութիւնների պատգամաւորութիւններից և ներկայացուցիչներից

Ամենախոնարհ զեկուցումն

Այսօր, սեպտեմբերի 14-ին, կէսօրուայ 12 ժամին վեհաւորանի վահլիճում տեղի է ունեցել մի ժողով, ուր հրաւիրուած են եղել սինօդի անդամները, առաջնորդները և մի երկու պատգամաւորների կազմած ցուցակով ոմանք պատգամաւորներ թուով մօտ 30 հոգի. այդ պատգամաւորական ժողովում քննուել են մի քանի եկեղեցական — ազգային կարեւոր ընթացիկ հարցեր, որոնք վերաբերում են Ռուսաստանի բոլոր հայ թեմերին և Մայր Աթոռին: Այդ ժողովին ամենեւին ներկայ չեն եղել ամբողջ մի քանի թեմերի ներկայացուցիչներ, ինչպէս Աստրախանի, Ղարաբաղի և այլն:

Մենք, ներքոյ ստորագրեալ պատգամաւորներս ցուցակ կազմողների այդ վարմունքը համարելով ապօրինի և նոյն իսկ անպատուութիւն մեզ ուղարկող հասարակութիւնների համար, այս խոնարհ զեկուցագրով յայտնում ենք Ձերդ Սրբութեան, որ այդ պատգամաւորական ժողովի որոշումները չեն կարող պարտաւորական լինել բոլոր թեմերի համար, քանի որ դրանք ընտրուած չեն ընդհանուր պատգամաւորական ժողովից:

Ս. քահ. Տէր-Յովհաննիսեանց, պատգամաւոր Ստաւրօպօլի:
Յովսէփ Յովսէփեանց, պատգամաւոր Թիֆլիսի ծխական ուսումնարանների հոգաբարձութեանց:

Երուանդ Պօղոսեանց, պատգամ. Նիժնի Նովգորոդի.

Բեհբուդ Մելիք Ալլահվերդեանց, Նուսուդ հայ հասարակութեան
և երկու եկեղեցական ծխական հոգաբարձութեան կողմից, նախագահ հոգաբարձութեան:

Դ. Թադէոսեան, ներկայացուցիչ Մարիամեան—Յովհաննեան օրթորդաց զպրոցի և «Մեղու» աշխատանքի տան.

Անդրէաս Յակոբջանեանց, ներկայացուցիչ Արմաւիրի հայ հասարակութեան:

Ստեփանոս Տէր-Աւետիքեանց, ներկայացուցիչ Ղարաբաղի թեմի հայ եկեղեցական—ծխական զպրոցների.

Սարգիս քահ. Ասլանեանց, ներկայացուցիչ Աստրախանի եկեղեցական հայ աղքատաց հոգաբարձութեան:

Նոյ Ղասումեանց (բժ.) ներկայացուցիչ Վլադիկավկազի հայ հասարակութեան.

Սիմէօն Սէֆէրեանց, ներկայացուցիչ Արմաւիրի հայ հասարակութեան.

Ստեփան Մարտիրոսեան խաչկուռուղեանց, պատգամաւոր Եկատէրինօգարի հայ հասարակութեան.

Աստուածատուր Երիցեան, «Սուրհանդակ» և «Խաթաբալա» թերթերի կողմից.

Գիւտ ա. ք. Ալանեանց, ներկայացուցիչ Թիֆլիսի հայ հոգևորականութեան, «Լուսմայ» ամսագրի խմբագրութեան և Թիֆլիսի կաթողիկոսական ընդունելութեան մասնաժողովի.

Ստեփան Գուլեանց, Թիֆլիսի համբարութեան ներկայացուցիչ:
Յարութիւն ք. Ճուղուրեանց, ներկայացուցիչ Թիֆլիսի հայ հոգևորականութեան.

Տիգրան Իւզրաշեանց, Շուշու գաւառի երկրորդ մասի պատգամաւոր.

Յակովբ ՄելիքԲախտամեանց, ներկայացուցիչ Գիւղատնտեսական ընկերութեան և «Գիւղատնտես» թերթի և կաթող. ընդունել. մասնաժողովի.

Յովհաննէս Գուրգէնքէզեանց, Թիֆլիսի կաթողիկոսական ընդունելութեան մասնաժողովի ներկայացուցիչ.

Սարգիս Կաֆեան, Թիֆլիսի վաճառականութեան և Թիֆլիսի կաթող. ընդունելութեան մասնաժողովի ներկայացուցիչ.

Սարգիս Իւզրաշեանց, Շուշուայ գաւառի խաչինի բոլոր հա-

սարակութեան ներկայացուցիչ.
 Եղիշէ քահ. Թարխանեանց և
 Անդրէաս Տէր-Յարութիւնեանց, Արցախու թեմական դպրոցի
 հոգաբարձութեան կողմից ընտրուած պատգամաւորներ.
 Աս. Պալեանց, տեսուչ Արցախի թեմական դպրոցի:

Այս գրութիւնը ընտրուած ներկայացուցիչները մատուցին
 Վեհ. հայրապետին, որ պատասխանել էր, թէ այս ժողովը ի
 հարկէ չէ կարող համարուել լիազօր պատգամաւորական ժողով,
 այլ միայն մասնաւոր խորհրդածութիւն, իսկ այն մի խումբ
 պատգամաւորները մասնակցել են ժողովի Իր կարգադրութեամբ:

Մենք հրատարակութեան ենք տալիս այս աշտը ըստ միա-
 համուռ ցանկութեան ճեմարանում կայացած պատգամաւոր-
 ների ժողովի մէջ կողմից և միւս կողմից քննարկելու համար էջ-
 միածնի շուրջը օծման օրերում կատարուած եղելութիւնները:

ՀԱՅ

ՄԱՆԹԱՇԵԱՆ ԸՆՏԱՆԻՔԻ ԿՐԱԾ ԿՈՐՈՒՄՏԸ

Հոկտեմբերի 26-ին հողին յանձնեցին բարեգործ պ. Ալէք-
 սանդր Մանթաշեանի ամուսին Դարիայի մարմինը:

Մեր ազգային յայտնի գործիչներից մէկը՝ բարեգործական
 ընկերութիւններից մէկի հանդիսի ժամանակ իւր ճառը սկսեց
 հետեւեալ խօսքերով. «Թող կորչի բարեգործութիւնը»: Մենք
 բոլորովին համամիտ կլինէինք այդ զաղափարին, եթէ մեր ազգը
 հասած լինէր այն երջանիկ «ոսկէ դարին», ուր այլ ևս ոչ ոք
 կարիք չէր ունենայ բարեգործութեան ապաւինելու կամ բարի
 մարդկանց դուռը բաղխելու: Բայց, զժբախտաբար, հեռու,
 շատ հեռու է այդ երանելի ժամանակը:

Այս պատճառով հայոց ազգին, այդ տղէտ, արհամարհուած,
 ճնշուած և կոտորուող հայ ժողովրդին դեռ շատ և շատ ան-
 հրաժեշտ է բարեգործութիւնը և ցանկալի՝ առատաձեռն
 բարեգործները:

Առհասարակ մենք սովոր ենք հռչակել հայ ազգը իբրև բարեգործ ժողովուրդ. բայց եթէ լաւ քննենք մեր պատմութիւնը, վերջին դարերի պատմութիւնը, կը տեսնենք որ բարեգործութիւնը ոչ թէ բուն ժողովրդի յատկութիւնն է եղած մեզանում, այլ միմիայն անհատների և այն բացառապէս վաճառական դասից. այս ճշմարիտ է մանաւանդ խոշոր բարեգործների նկատմամբ. Պապունին, Ղարամեան, Մուրադ—Ռաֆայէլեան, Պէլճեան, Անանեան, Սանասորեան, Ղուկասեան և այլն, սոքա բոլորն էլ անհատներ էին և վաճառականներ և վերջին դարերի հայոց քաղաքակրթական զարգացման գործը տարուել է գրեթէ բացառապէս այդ բարեգործ անհատների ձեռքով և մեր բազմութիւն կուլտուրական խոշոր հիմնարկութիւնները մենք դրանց ենք պարտական:

Այս տեսակ խոշոր նուիրաբերող—բարեգործներիցն է եղել միշտ և մեր քաղաքի որդի Ալէքսանդր Մանթաշեանը, որի առատածեռնութիւնը, կարելի է ասել, գերազանցել է բոլոր իշխալ բարեգործների նուիրատուութիւններից:

Պ. Մանթաշեանի բարեգործութեան եղանակը զգալի կերպով տարբերում է միւս բարեգործութիւններից, որովհետեւ գրեթէ բացառապէս դոքա նուիրած են հայ եկեղեցու և հայ մատաղ սերնդի կրթութեան գործին:

Թիֆլիսի Վանքի նշանաւոր եկեղեցու մեծածախ վերաշինութիւնը, Փարիզի հայ դպրութի հոյակապ եկեղեցին, էջմիածնի խոստացուած վերանորոգութիւնը, ներսիսեան դպրոցի հսկայական շէնքը, Թիֆլիսի առևտրական դպրոցը, բազմաթիւ աւարտած և շարունակող սւսանողները, ևն ևն բոլորն էլ Մանթաշեանի առատածեռնութեան պտուղներն են. այս գեւ յայտնին է, երեւցողը, իսկ քանի հազարաւոր կարօտեալներ, աղքատ զրադէտներ, կարօտ հրատարակիչներ, տնանկ ուսուցիչներ, անօգնական եկեղեցականներ վայելել են Ա. Մանթաշեանի բարեգործութեան շնորհը, այդ մասին երևի ինքը պ. Մանթաշեանն էլ չի կարող հաշիւ տալ իրան, այնքան շատ են դոքա թիւը և տեսակը. և գեւ մինչև այսօր էլ վայելում են նորա խնամքն ու նպաստը:

Եւ այս ամեն բարեգործութիւնների մէջ պակաս օգնող և յորդորող չէ եղել պ. Մանթաշեանի նոր վախճանուած ամուսին տիկին Դարիան, որ լինելով իւր ամուսնու համար հոգատար և սիրող կողակից և որդեսէր մայր, միևնոյն ժամանակ կարեկցում էր ամեն մի վշտացեալի ու նեղացածի և իւր ամուսնու հետ միասին սուստածեռն օգնութիւն հասնում ամենքին:

Զարմանալի չէ ուրեմն, որ հանգուցեալի թաղումը կատարուեց այնպիսի մեծ շքով ու հոծ բազմութեան ներկայութեամբ, որպիսին երկար տարիներ չէր տեսել Թիֆլիսը խմբուած:

Հանգուցեալի մարմինը ամփոփուեց Վանքի զաւթում հիւսիսային կողմը այն գետնի վերայ, որ տարիներով առաջ պ. Մանթաշեանը գնել էր և նուիրել Վանքի եկեղեցուն:

Յաւիտենական հանգիստ մաղթելով հանգուցեալին խմբագրութիւնս իւր խորին վշտակցութիւնն է յայտնում Մանթաշեան գերդաստանին նորա կրած ծանր կորստի համար:

Լ Ո Ւ Ր Ե Ր

■ Լսում ենք, որ հոկտեմբերի 24-ին Վեհ. Հայրապետը չորս հալիսկոպոս է ձեռնադրել.—Տաճկահայ վարդապետներից Ներսէս Խարախանեանին, Ատրպատականի առաջնորդ Կարապետ վարդապետին, Աստրախանի առաջնորդ Մխիթար վարդապետին և Մեսրոպ վարդապետ Տէր-Մովսիսեանին: Առաջինը տեղական կըրթութիւն ունի, երկրորդը իւր ուսումը ստացել է Գերմանիայում, նախ դոքտորի աստիճանով և ապա կրկին քննութիւն տալով արժանացել է լիցէնցիատի աստիճանի, երրորդը աւարտել է Ներսիսեան դպրոցը, իսկ չորրորդը դորպատի համալսարանը և ապա քննութիւն տալով արժանացել է մագիստրոսի աստիճանին: Առաջին երեքը ձեռնադրուած են իբրև ընտրուած առաջնորդներ, իսկ վերջինին Հայրապետը ձեռնադրել է իւր գերիշխանութեամբ:

■ Կ. Պօլսից Բարերդ և Կարին գնալիս վատարար սպանուեց թիֆլիսեցիներին քաջ ծանօթ գործիչ Նզիրէ Թօփչեանը: Սպանութիւնը կատարուած է երեւի կուսակցական հողի վերայ, բայց ինչ և լինի պատճառը, չենք կարող մեր զգուանքը չարտայայտել պատժի այդ ամենաանարգ ղէնքի նկատմամբ, ճիշտ այնպէս, ինչպէս որ տարով առաջ նոյնը յայտնեցինք և մի ուրիշ նման կեղտոտ սպանութեան՝ հրապարակախօս Արփիարեանի մահուան վերաբերութեամբ:

Նզիրէ Թօփչեանը վերջին 10 տարում ամենաաչքի ընկնող և ամենաեռանդուն գործիչներից մէկն էր և վերջին հալածանքի երեսից իւր գործունէութեան ասպարէզը փոխադրելով Կարին, հրատարակում էր այնտեղ «Յառաջ» անունով օրաթերթը: Թօփչեանի սպանութիւնը առաւել ցաւալի է նրանով, որ նա լինելով բաւական պատրաստուած մարդ, երիտասարդ հասակի մէջ և ի հոռանդով, նորա գործունէութեան աւելի լուրջ և արդիւնաւոր շրջանը պիտի նոր սկսէր այսուհետեւ, քանի որ կեանքի դառն իրականութիւնը տուել էր նորան և որոշ փորձառութիւն, որ անհրաժեշտ է ամեն մի հասարակական գործչի համար: Հանգուցեալը թողիլ է բաւականին զրական հետաքրքրական աշխատութիւններ:

■ Հայերէն լիզով աւետարանի պէտքը չափազանց զգացուած է վերջերս. այսպէս՝ Գուտտեմբերգ զբաւժանանոցը ստացել է աշխարհի հեռաւոր ծայրերիցն անգամ աւետարանի պատուէրներ, բայց հրապարակի վրայ ծախու օրինակներ չեն գտնուում, ստացուած պատուէրներից մէկը հարաւային Ամերիկայի Արգենտինեան հասարակապետութեան հայ բնակիչներից մէկիցն է: Դարձնում ենք նոցա ուշադրութիւնը՝ որոնց հարկն է:

■ Թերթերը հաղորդեցին, որ այս օրերս կատարուել է Մարիամեան—Յովնանեան օր. ուսումնարանի հոգաբարձական ընտրութիւնը: Այժմ մեզ հաղորդում են հաստատ աղբիւրներից, որ Մոդնոյ ծխականների մի մասը, պատղամաւորների ընտրութիւնը համարելով անկանոն՝ բողոքել է սինօդին և խնդրել չհաստատել կատարուած ընտրութիւնը և նոր ընտրութիւն նշանակել:

■ Կէստորքերիի արքեպիսկոպոսը մի խիստ համակրական նամակ է ուղղել թիւրքահայերի պատրիարք Դուրեան Նզիրէ և պիսկոպոսին իւր հրաժարականի և նորան կից խնդիրների առթիւ:

■ Կ. Պօլսից մեզ գրում են, որ ամեն. Մաղաքիա արքեպիսկոպոս Օրմանեանը պատրաստում է իւր տաճերկու տարուայ պատրիարքութեան մանրամասն պատմութիւնը, որ բաղկացած կլինի մի քանի հատորներից:

■ Դիտաւորութիւն կայ թիֆլիզում հիմնել հայոց մի նոր հրատարակչական ընկերութիւն, որի կանոնադրութիւնը պատրաստ է արդէն:

■ 40,000 հոգու ստորագրութեամբ մի թուղթ է ուղարկուած Կ. Պօլսի ազգային ժողովին, որով յայտնում են իրանց համամտութիւնը պատրիարք Դուրեանի հրաժարականին և պահանջում են ազգային ժողովից պաշտպանել պատրիարքի պահանջները կառավարութեան առաջ: Ազգ. ժողովը մի ազմկալի նիստում որոշել է համակերպուել այդ առաջարկին:

■ Հոկտեմբերի 21-ին Նովոչերկասկի բանտից ազատուեց Ազգագրական Ընկերութեան նախագահ Ալէքսանդր Մելիք-Ազարեանը:

■ Այս օրերս կը վերսկսուի հրատարակուել «Հորիզոն» օրաթերթը, որ դադարել էր նոյն թերթի գրասենեկապետ Դաւիթ Գալստեանի մահուան պատճառով:

■ Հոկտեմբերի 25-ին լոյս տեսաւ «Նոր-Դարի»ի 1909 թ. № 1:

ՄՏԱՅՈՒԱԾ ԳՐԹԵՐ

Юрій Веселовский. Русское влияние въ современной Армянской литературѣ, Москва 1909 50 к.

Եղիշէ ա. ք. Դեղամեանց. Պատմական քաղուածքներ. պրակ Դ. Եփրեմ կաթողիկոս. մասն II.

ՄԻ ՇԱԲԱԹ ՓԱՐԻԶՈՒՄ

Իզուր չէ, որ քաղաքակրթութեան մասին փոքր ինչ դա-
դափար ունեցող մարդը փափագում է Փարիզ տեսնել, զեղեց-
կութեան այդ չնաշխարհիկ տեսարանը: Իզուր չեն դո՛վում «Պա-
րիզի զեղեցիկ ճաշակը»: Գեղեցիկ է Փարիզը, աւելի քան գե-
ղեցիկ իւր արուարձաններով, բազմադարեան հնու[թիւններով և
քաղաքակրթութեան և նարտարապետական հրաշալիքներով:
Տեսնել Փարիզը, նշանակում է ծանօթանալ Ֆրանսիական ազ-
գի ամբողջ անցեալ և ներկայ թէ՛ անտեսական և թէ՛ քաղա-
քակրթութեան պատկերի հետ: Նա բովանդակում է իւր մէջ
ոչ միայն նոր աշխարհի գիտութիւնը, փառքը և վայելչութիւնը,
այլ և բայ է անում այցելուի առաջ ասորական, եգիպտական,
փիւնիկեցւոց, պարթևաց, յունական և հռոմէական հին աշ-
խարհի և կայսրութեան քաղաքական և տնտեսական կեանքի
զանազան մոմէնտներ և տեսարաններ:

Յանկանում ես, ընթերցող, տեսնել այդ հրաշալիքը, մտիւ
Լուվր: Փարիզի այդ համաշխարհային թանգարանում զու կը
տեսնես Ասորեստանից բերած Սարգոնից թագաւորի պալատը,
2000 տարի Ք. ա. շինուած, նոյն տեղ է և Խորսաբաթի պա-
լատը 800 տ. Ք. ա. և Ասորեստանի պելուսները. Մելպոմենի
արձանը, 366 թ. Ք. ա. Դիանայի տաճարը հռոմում, որտեղ
գիտութիւնն էին այրում. հռոմէական Տիբերը, որի ներքեւ ըն-
կած է գայլը, և երկու մանուկներ, իրար հրելով, աշխատում
են... Ճժել զայլի ստինքից, նորա կաթը: Նայիր Արաաշէս Մեն-
մոնին, 700 տ. Ք. ա. այդ տեղ է կանգնած եգիպտական քար-
աուղարը, հօրուս, Իսես և Օսելին չաստուածները՝ բուրի դէմ-
քով. Յունական Աթալայի գերեզման իջեցնելը, Տրդատ Պար-
թևաց և Հայոց թագաւորը 64 տ. Ք. ա. Յունական Միլօի

Վենիուսի արձանը, քանդակագործութեան այդ դուխ գործոցը, որի առաջ կանգնած հազարաւոր այցելուներ ականալիչ նայում են զկեղեցկութեան աստուածուհուն, և այլ շատ և շատ հազուադիւս տեսարաններ: Բարձրացիր Էջֆելեան աշտարակը և դու կ'հրապուրուես տեխնիկայի գիտութեամբ կատարեալ հրաշակերտով:

Յանկանում ես գեղարուեստական մտքիդ ճաշակին բաւականութիւն տալ, զնա՝ Վերսայլ. Մոսկվայում, Բեռլինում, Վիեննայում և այլ շատ եւրոպական քաղաքներում հռչակաւոր գեղարուեստագէտների գործեր շատ եմ տեսել, իսկ Լիւդովիկոս XIV ի պալատում կախուածները գերազանցում են բոլորին: Նանճարի վրձինը, կարծես լեզու սոււած անշունչ կտաւին, կենդանի մարդի պէս խօսում է հետդ:

Մի քանիսից լսել էի, որ Փարիզի կեանքը նոցա վերայ լաւ տպաւորութիւն չէ թողել. չեմ մեղադրում, և չեմ էլ կարող համածայնել նոցա հետ, որովհետեւ նոքա միայն այդքանն են կարողացել տեսնել: Այդ մօտ 4 միլիօն ժողովրդից համեմատական շատ փոքր մասը փողոցների վերայ, ընտորանների, կաֆեների առաջ, բաց օդում նստած, ուտում են, խմում են և զուարճանում, բայց ֆնացեալ մեծազոյն մասը, քաշուած իրենց կաբինետները և լաբօրատորիաները, դիշեր-ցերեկ, անդուլ աշխատանքով են պարապած, գիտութեան բազմատեսակ ճիւղերն են հարստացնում, յօգուտ հանուր մարդկութեան, նոր գիւտերով, ճիւղեր էին և որտեղ են ապրում աշխարհահռչակ Պաստօրը, Վ. Նիլզոն, Ժան Ժակ Բուսսոն, Բուն, Զոլան և քանի այդպիսի մտքի տիրուհիներ է առել Փարիզը:

Ժան-Գուժան մտքուր փողոցի վերայ, Ելիսեան պալատներից ոչ հեռու կանգնած է Նայկական ճարտարապետութեամբ կառուցած հայոց եկեղեցին մեծանուն բարերար Ա. Մանթաշեանի ծախսով, որը իւր դիրքով և մեծութեամբ նմանութիւն ունի Վաղարշապատի Շողակաթի վանքին, փոքր ծաւալով, երկ. 42, իսկ լայնութիւնը մօտ 30 քայլաչափ, և ծախսուած է մօտ մի միլիօն Ֆրանկ: Եկեղեցին պատկանում է շինող բարերարի սեփականութեան: Առատաձեռն բարեգործը մտադիր է նօտարական ծէով հաստատել ազգի անունով, որի համար նորից

պէտք է վճարէ կառավարութեան 120000 Ֆր.նօտարական ծախս:

Այդ եկեղեցին ոչ միայն կրօնական տեսակէտից նշանակութիւն ունի Փարիզում, այլ նորա գոյութիւնը մի անհրաժեշտութիւն է հայ զաղթականութեան համար: Թէպէտ Փարիզի տարածութիւնը այնքան մեծ է, որ եկեղեցին անկարող է հեռու ապրող հայերին մօտեցնել, կապել եկեղեցու հետ և ծխական համայնք հաստատել, սակայն նա ունի մի կազմակերպուած մարմին՝ չոգաբարձական Խորհուրդ անունով, որը աշխատում է նոյն մտքով: չոգաբարձութիւնը նոյն իսկ փորձել է ծխական հայոց դպրոց բանալ, բայց հայերի հեռու, ցրուած լինելու պատճառով, անկարելի է եղել այդ ցանկութիւնը իրաւորձել: Կիւրակէ օրերը միայն հայերը յաճախում են եկեղեցի, այն էլ շատ քիչ թուով:

Ծանր է Փարիզում հայ քահանայի վիճակը, թէպէտ նա բաւականաչափ վարձատրում է տարեկան ռոճիկով հայ զաւու-թից: Քահանան ոչ միայն կատարում է եկեղեցական պաշտա-մունք և ծիսակատարութիւններ, նա և ստիպուած է մտածել կարօտ հայ ուսանողների, թափառականների, պատահող ան-ծեռնհաս մարդկանց հարցասիրութիւններին բաւականութիւն տալ և շատերի էլ պէտքերը հոգալ, կարելոյն չափ: Մեզ վերայ այդպէս տալուութիւն թողեց տ. Վռամշտպուհ քա-հանայի բարի յարաբերութիւնը իւր զիմովների հետ: Հէնց մեր ներկայութեամբ, մի ժամում, նա մի քանի նամակ ստացաւ մայրաքաղաքում և արուարձաններում ապրող հայերից, որոնք զանազան կարեւոր հարցերի մասին ապաստում էին պատասխանի և նա պարտաւոր է պատասխանել, որովհետև քահանան է նո-ցա առաջնորդը, կոնսիստորը, շատ դէպքերում էլ անցադիր վա-ւերացնողը. նա շատ անգամ և նպաստում է վաճառականա-կան գործերի. և այլ քանի բանի այսպիսի կարիքներ հոգացողը և յանձնարարութիւն կատարողը: Նոյն բարերար Մանթաշեանի ծախսով շինուած է եկեղեցու գաւթում մի յարմար բնակարան քահանայի համար, որի ներքին յարկում է տեղաւորուած եկե-ղեցական հոգաբարձական Խորհրդարանը:

ԽՄԲԱԿՐՈՒԹԵԱՆ ՊԱՏԱՍԽԱՆՆԵՐ

ԹԻՖԼԻՍ. ԲԺ. Բ. Ա. Պ.—«Գիտութիւն և բարոյականութիւն» յոգուածը կոպուրի «Լումայ»-ի առաջիկայ համարում:

ՂԱՐԱՔԻԼԻՍԱ. Ս. Բօֆֆօր.—Ձեր վէպիկը կոպուրի:

Ն. ՆԱԽԻՋԵԻԱՆ. Մ. Բերբերեան.—ստացանք և կոպենք հետեւալ համարում:

Խմբագիր Հրատարակիչ՝ ԳԻՒՏ Ա. Ք. ԱՂԱՆԵԱՆՑ

ՅԱՅՏԱՐԱՐՈՒԹԻՒՆՆԵՐ

ԳԻՒՏ Ա. ՔԱՅ. ԱՂԱՆԵԱՆՑԻ

աւխտաւորութիւնները

Ռ, Կ.

- | | |
|--|------|
| 1 Աղօթատետր և. տպ. 1903. | — 10 |
| 2 Կրօնի դասագիրք ա. տ. 1889 (սպառուած) | — 15 |
| 3 » » բ. տ. դ. տպ. 1891 | — 25 |
| 4 » » գ. տ. դ. տպ. | — 25 |
| 5 Տօմար և տօնացոյց Հայաստ. եկ. բ. տպ. 1894 | — 50 |
| 6 Կարնոյ զաղիք. պատմական տեսութիւն. 1891 | — 10 |
| 7 Դիւան Հայոց պատմութեան. գիրք Ա.—Բ. 1780—1834 | — |
| Սահակ-Մեղրուպեան մրցանակին արժանացած 1893 | 2 — |
| 8 Նոյն. գիրք Գ. Սիմէօն կաթողիկոսի յիշատակարանը կենսագրութեամբ, յաւելուածներով ու ծանօթութիւններով, Սահակ Մեղր. մրց. արժ. 1894. | 7 — |
| 9 Նոյն. գիրք Դ. Ղուկաս կաթող. 1780—1800. 1899. | 4 — |
| 10 Նոյն. գիրք Ե. Դանիէլ կաթ. 1800—1808. 1902. | 4 — |
| 11 Նոյն. գիրք Զ. Դանիէլ կաթ. մ. I. 1801—2. 1904 | 4 — |
| 12 Նոյն. գիրք Է. Դանիէլ կաթ. մ. II. 1803—4. 1907. | 4 — |
| 13 Նոյն. գիրք Ը. Սիմէօն կաթ. մ. II. 1767—1776. 1908 | 4 — |
| 14 Կարգ աստուածապաշտութեան Հայաստանայց ս. եկեղեցւոյ 36 նկարով, Զ. տպ. 1907 | — 50 |
| 15 Հնիք-նորից հնախօս. ուղեւոր. պրակ Ա. 1900. | — 30 |
| 16 Պատի օրացոյց 1902 ամի. ժամանակագր. ժ. տարի. | — 50 |
| 17 Նամակագիրք Բ. տպ. հոխացրած 1909. | — 60 |
| 18 Ծոցի օրացոյց 1902 ամի և յաւելուած.—Առողջապահական խոհարարութիւն. | — 15 |
| 19 Զաքար Դարդաձեանցի կտակը և Մշակի դառանցանքները (տպ.). | — |
| 20 Եկէք մեր պարտքը կատարենք. 1908 | — 55 |

քաղաքացիականներ

21 Հաւատարմութիւնը ամեն արդեւորների յաղթում է Ֆ. Հոֆմանի 1877	— 40
22 Պաւարից դէպի լոյս Ֆ. Հոֆմ. 1888 (սպ.)	— 40
23 Դօն Բիշօթ լամանդեցի, Մ. Սէլվ. 1878 սպ.	— 70
24 Դէուրգ Ռօլլէնտօն, 1879 (սպո.)	— 60
25 Երրորդ ոսկի առակ Լակիդէի բ. տպ. 1893	— 10
26 Ռօրինգօն (հրատ. Թիֆ. տպագր. ընկերութ.) սպ.	— 60
27 Ձեռնագրօնի ժառանգը, պատկերազարդ, 1882. սպ.	1 —
28 Ակտէա. տ. Սիոսեվայի. 1885 սպառ.	— 50
29 Եան Էրնստ Սմօլեար. Ն. Եանչուկի, 1885 սպ.	— 20
30 Արծուի մտածմունքը, պրօֆ. Մ. Բողղան. 1892.	— 5
31 Դիւղի սուրբը. Սկեստ. Չէխի, 1892	— 10
32 Կեանքի դպրոցը, Դիկկէնսի, 1892.	1 —
33 Դէպի Աթէնք, Հ. Սենկեվիչի բ. տպ. 1901	— 15
34 Մի կտոր հաց, Պօտապէնկօի բ. տպ. 1901	— 10
35 Որոտրդ, Օ. Շրայնէրի	— 10
36 Մատուռի աւերակներում, Օ. Շրայնէրի.	— 10
37 Կարա. Իրլանդական գրոյց 1904	— 5
38 Անտառապետ Ֆրեդերիկ. Էրկման Շատրիանի. 1903	— 40
39 Տնային բժշկութեան, պրակ. (գրքի ամբողջ կէսը)	1 —
40 Նոյն պրակ. Բ. գրքի ամբ. կէսը	1 50

հրատարակութիւններ

41 Հայոց գիրը 1893	1 50
42 Կ. Բեհրուդեան, Ծռխ. 1893	— 15
43 Ռանգաբէ. Էմաէ, վէպ	— 25
44 Ալբեր Այնօ, Բուրդի լիսոն, 1894	— 20
45 Ծաղարեղեան Յ. Հայոց. լեզու տ. տ. 1904	— 30
46 Նրիմեան Հայրիկ, Ժամանակ 1895	— 15
47 Սպիրի, Այծարած Մանի 1885	— 15
48 Բակ. (Բարգէն վ.) Կիլիկիա 1896	— 10
49 Պետալոցցի, Լինհարդ և Դերտրուդ. 1896	1 50
50 Մելքիսեդեկ արքեպ. Մուրատեան Պետրոս Շանչեան պատկերով. 1897	— 50
51 Թ. Ա. Նոհարարուհի, բ. տպ. ճոխացրած 1904	— 50
52—63 Լուսայ, գրական հանդէս 1896—1901 իւր. գիրքը	2 —
64—66 Լուսայ երկամսեայ հանդէս 1902—1904 տարեկան.	6 —
67—68 Լուսայ ամսագիր 1905—1906 իւր. տար.	8 —
69 Լուսայ ամսագիր 1907 2 գիրք.	2 —
70 Լուսայ ամսագիր 1908 № 1—4	4 —
71 Լուսայ ամս. 1909	6 —
72 Յ. Պարոնեան, Ծիծաղ, պատկերով, 1899	1 25
73 » Արեւի. տտաֆնաբոյժ կատակ. 1901	— 50
74 » Քաղաքավար. ֆլեմաները, 1901	— 75
75 Ստեփանոս Պալասանեան	— 25
76 Ն. Տէր-Կարապետեան, Նաչատուր Արովեան սպառ.	— 60
77 Աշակերտի յուշատետր	— 30
78 Զգացմունքների աշխարհ.	— 30
79 Մելիք-Իսաուֆ	— 25
80 Մ. Եօկայի, Ուրացորդ.	— 20
81 1901 Մ. Էջմիածնի ժՁ դարադարձը.	— 25
82 Եր. Շահազիզ, Մկրտիչ Էմին	— 60

83 Կարալենկո, Կոյր երաժիշտը.	— 60
84 Չորրորդ դարու հայ եկեղեցին	— 20
85 Եր. Շահազիզ, Նոր-Նախիջևանի ո. Պաշ վանքը	— 40
86 Իմ օրագրերը	— 20
87 Մեծ Ներսէս	— 25
88 Դ. Պաշկինց, Հայոց կրօն. բանաստեղծութիւնը	— 60
89 Կին վիպագիր Ե. Սպիրի	— 10
90 Օր. Ն. Աղանեանց, Թարգմ. Սե հացեր, բ. տ.	— 5
91 Կարալենկո, Դատաստանի օրը. Թարգմ. Մուշէ վարդ.	— 40
92 Կ. Կաստ. Շարժի տարեգրութիւնը Հայոց մէջ. 1902	— 20
93 Մանրանկարչութեան արուեստը Հայոց մէջ 1902	— 10
94 Ներսէս Մեծի յաջորդներ 1902	— 25
95 Մ. Գօրկի. Չէլիաշ.	— 20
96 Գուշակ Նահապետի երգերը.	— 16
97 Սահակ Պարթև	— 25
98 Ապուշը, Ժօրժ Էսպարբի, Թարգ. օր. Ն. Աղանեանց, բ. տ.	— 5
99 Վարժապետը. Թարգմ. Լ. Մ.-Ա.	— 5
100 Հաղարան Բլբուլ.	— 30
101 Պատմական պատկերներ, Եր. Շահազիզ 1903	— 50
102 Ժ. Ժ. Ռուսսօ. Էմիլ. 1. 1904	— 50
103 Նոյն մ. 11.	— 50
104 Խորէն արք. Գալֆայեան և Նալբ. Աղյմիքը, Եր. Շահ. 1904	— 60
105 Հերոսարատ. Լ. Ֆուլդայի, Թարգմ. Տ. Վ. 1904	— 50
106 Կանոնք ժողովոյ. Մ. Ա. 1904	— 50
107 Ուղեղի նորոգումը. Ֆ. Դիկմելի Թ. Օր. Ն. Աղան. 1904	— 20
108 Գթութիւն	1904 — 5
109 Գ. Ե. Սրբանձտեանի երկերը 1 Համով-հոտով 1904	1 — 25
110 Ալէմգիր. վէպ Վ. Փափագեանի, 1904	— 50
111 Սուտի հոգեբանութիւն. Գար. Ենգ. 1904	— 10
112 Հայեր և զաւակներ Ի. Տուրգ. 1904	— 75
113 Կօնան Դօյլ. Բանակն ինչպէս ազատեցի. Թ. Տ. Վ. 1904.	— 15
114 Ազէրֆէզա. վէպ Վ. Փափագեանի, 1904	— 50
115 Ֆր. Դիկմելի. Նոր Կուռք, Թարգմ. Տ. Վ. 1905	— 30
116 Կար. Եղեան. Ս. Էջմ. Մ. Աթ. և Ռուսաց կառ. յարա- բերութիւնների ծագումը. 1905.	— 50
117 Չ. Ռիչարդսօն. Գրքերի ընտրութիւնը 1905	— 60
118 Իսլամ. տաճկ. Թարգմ. 1905	— 20
119 Հողեկան վարակումն և նրա նշանակութիւնը. բժշկ. Կ. Աղաջանեանց 1905	— 1
120 Խանգաղէ, մեր արիւնոտ անցեալից 1907	— 20
121 Հայրենիք շաբաթաթերթի 1908 տարեկան	2 — 50
122 Գ. Վ. Յովսէփեան. Օրմանեան արքեպ. և կաթող. ընտ- րութիւն	— 5
123 Զօն. Յ. Յովհաննիսեան և ըննադատներ. 1908	— 5
124 Ե. Շահազիզ. Տ. Գաբրիէլ Պատկանեան. 1909	— 40

պատկերներ.

125 Ս. Լուսաւորչի իւղտներէ մեծադիր պատկեր	3 —
126 Նոյն կտաւի վերայ	15 —
127 Պետրոս Շանշեան	— 10
128 Յակովբ Պարոնեան	— 10
129 Արգար Յովհաննիսեան	— 10
130 Աւետիք Ղուկասեան	— 10
131 Գարեգին եպս. Սրբանձտեանց	— 10
132 Լուսայի պատկարտ	— 5
133 Տ. Տ. Մատթէոս II կաթ. Իգմիրլեան	— 10
134 Մուրացան	— 5

Հոյս տեսաւ

ՆԱՄԱԿԱԳԻՐՔ

երկրորդ ճոխացրած տպագրութիւն

ԳԻՆՆ Է 60 ԿՈՊ.

Դիմել ն. Աղանեանի տպարան

Բացուած է 1910 թ. բաժանորդագրութիւնը

(ՀԻՆԳԵՐՈՐԴ ՏՆՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց
մեծադիր գրքոյկներով նախկին ընդարձակ ծրագրով
Մշտական աշխատակցութեամբ ՅՈՎՀ. ԹՈՒՄԱՆԵԱՆԻ ԵՒ ՍՏ. ԼԻ-
ՍԻՑԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափ-
ւում են ընտանեկան կրթութեան վերաբերեալ կարեւորագոյն
հարցեր:

ԲԱԺԱՆՈՐԴԱԳԻՆՆ Է ՃԱՆԱՊԱՐՀԱԾԱԽՍՍՈՎ,

Տարեկան ՀԱՍԿԵՐ, մանկ. բաժին 3 ռ. մանկավարժ. բաժ. 4 ռ.
Կէս տարուանը . . . 1 ռ. 80 կ. . . 2 ռ. 10 կ.
Մէկ ամսուանը . . . — 30 կ. . . — 35 կ.
Պարսկաստանում . . . 3 ռ. 50 կ. . . 4 ռ. 50 կ.
Արտասահմանում տարեկան ԻՆԸ ֆր. ՏԱՍՆԵՐԿՈՒ ֆ կ.
Հրատարակութեան սկզբից մինչև 1909 թ. վերջը 11 ռ. 15 ռ.

Լ ՈՒՄ Ա Յ

ՀՐԱՏԱՐԱԿՈՒԹԵԱՆ 14 ՏԱՐԻ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1909 թուին Լուման լոյս է տեսնում իւր նախկին
գիրքով ամեն ամսի 20-ից յետոյ, բաղկացած 64—80 երես-
ներից: Ինչպէս միշտ, հարկաւոր գէպքերում, կտրուեն
պատկերներ հասարակական երևոյթների առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և
ոչ աւել քան 32 տպ. երես:
2. Արտատպութիւն ոչ մի գէպքում չի տրուում:
3. Նիւթերը չեն վերադարձնուում. յետ ստանալ ցանկա-
ցողները պիտի ուղարկեն փոստի ծախք:
4. Չտպուող նիւթերի մասին ծանուցում է տրուում ամսա-
գրի մէջ պատասխանների բաժնում:
5. Թարգմանական նիւթեր ընդունուում են շատ կարճ և
ընտիր հեղինակների:

ԲԱԺՆԷԳԻՆՆ Է տարեկան 6ռ., կէս տ. 4ռ.,
Արտասահման „ 8 „ „ 5 „

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

ՇՈՒՏՈՎ ՄԱՄՈՒԼԻ ՏԱԿ ԿԸ ՄՏՆԻ

Ե Ղ Ի Շ Է Ի

ՊԱՏՄՈՒԹԵԱՆ ԱԶԽԱՐՅԱԲԱՐ ՆՈՐ ԹԱՐԳՄԱՆՈՒԹԻՒՆԸ

Աշխատութեամբ

ԳԻԻՏ ա. ք. ԱՂԱՆԵԱՆԻ